


安 福


部

1920 懂

上海图书馆藏书



A541 212 0014 1844B



安福部

緒言

西塘野史著

項城僭號而有罪。魁梁士詒。朱啟鈴。諸人之緝捕。宣統復辟而有罪。魁張勳。康有爲。諸人之緝捕。傳檄通國。其勢洶洶。論者必以爲干國紀。犯衆怒。卽不至遽遭顯戮。以謝天下。而若輩逋逃海外。跼躄草間。決不能復歸鄉土。豈知鑪灰未冷。棋局新翻。曾幾何時。又駟馬高車。嶄然露頭角於長安道上。然則今之安福罪魁徐樹錚。曾毓雋。丁士源等十人。亦不過紙上空談。迫之依棲外人宇下而已。况安福組議院。舉總統。金錢糜費。奚止億兆。而其人率皆以權位爲奔競。以勢力相角逐。隸彼戲下者。雖極庸愚不肖。亦畀一間散位置。使之自効。稍能操觚染翰者。則巧立兼差。名目以出入於各院各部之間。再上而長一局。統一科。碁布星羅。孰非黨羽。而此外聯絡軍閥。利

安福部 緒言

其牽掣傾倒和議利其擾亂而三五元惡大斂復爲之羅掘搜括以供安福之揮霍其行政也如王莽之玩孺子如曹操之脅山陽其用人也如吳三桂之稱西選如隆科多之號侈選元首守府拱手畫諾至錢內閣倒而安福之氣一盛王總代表出而安福之氣又一盛閣員纍纍日久缺席豈果才難耶曰未得安福同意也疆吏特簡馳電相拒豈果民意耶曰未得安福同意也安福造種種罪惡逞種種意氣無非崇拜一團河之段氏以視皖系爲不祧祖嗚呼日中則昃月盈則食果能嗚暗叱咤視秦竟無一人耶吳佩孚雖僅僅一師長然其沈思遠慮實能駕曹張而上之王占元趙倜儻予維持不動聲色是亦傷心人別有懷抱者而安福不察猶詡詡然痛詆之怒詈之一若政柄兵柄均在合肥卽東海亦退避三舍靳雲鵬假溫宗堯拒私函之不足益以公牘電信之不足輔以報紙安福之鷓張螳奮幾不知中國猶有人在定國軍起未戰先譁段祺瑞自小站練兵以來官統制官提督官總長官督辦而結局至於安置至於自殺其受安福之賜也大矣小徐小段諸人縱籍沒族誅何足蔽辜

於○萬○一○竊○恐○如○曾○毓○萬○輩○之○虧○帑○數○千○萬○如○丁○士○源○之○賣○路○三○五○處○挾○貲○一○去○冥○冥○
鴻○飛○事○定○歸○來○依○然○故○智○祇○變○一○安○福○俱○樂○部○之○名○義○奚○不○可○再○組○議○院○再○舉○總○統○
以○號○召○內○外○報○復○恩○仇○哉○記○者○於○安○福○聞○其○名○見○其○人○貉○是○一○邱○兔○留○三○窟○其○齷○齪○
如○馬○阮○之○附○魏○其○奸○險○如○牛○李○之○禍○唐○其○變○詐○如○秦○檜○之○媚○外○人○其○狠○鷲○如○朱○泚○之○
結○藩○鎮○昔○人○云○天○生○李○晟○以○爲○社○稷○吾○謂○天○生○安○福○亦○爲○社○稷○又○云○斯○人○不○出○如○蒼○
生○何○吾○謂○安○福○若○出○如○蒼○生○何○甚○願○袞○袞○羣○公○之○無○事○姑○息○以○自○陷○也○揭○藁○概○畧○告○
我○國○人○黨○籍○尙○存○孝○慈○難○改○願○讀○者○垂○意○焉○庚○申○六○月○西○塘○野○史○

安福部 緒言



安福部

目次

上編 組織時之安福部

一 安福部之緣起

二 安福部之擴充

三 安福部之支配

四 安福部之呼應

五 安福部之評議

中編 鼎盛時之安福部

一 安福部之主戰

二 安福部之仇學

安福部 目次

三 安福部之倒閣

四 安福部之議和

五 安福部之籌邊

下編 失敗時之安福部

一 安福部之聞聲

二 安福部之敗績

三 安福部之陰謀

四 安福部之受懲

五 安福部之索魁

六 安福部之解散

附安福俱樂部黨籍姓名錄

安福部

上編 組織時之安福部

(一) 安福部之緣起

安福俱樂部者段祺瑞所卵翼而成以冀銷滅馮國璋代理總統之地位者也祺瑞既討張勳共和復活於是有令各省選派參議院到京會議之舉臨時參議會成立而新國會之產生即權輿於此大總統之產生亦即權輿於此小徐諸人之本意實欲以祺瑞爲總統而張作霖副之蓋其時小徐初關遼東之徑希望作霖不起掣肘而國璋入都代理亦隱思由副而正遠交桂粵近攜贛鄂與祺瑞若兩雄對峙惜其威聲所振祇在湘南一變耳戰局又啟奉軍入關祺瑞再上強臺雅不顧以國璋續任小徐等仰承風旨設安福部爲選舉之籌備而東海遂受部員之擁戴矣查本部在北京安福胡同其幹事部分文牘交際會計庶務游藝五課課復分股而別設支部於太平湖有評

議。會。有。政。務。研。究。會。而。研。究。會。中。更。判。八。事。曰。內。務。曰。外。交。曰。法。典。曰。財。政。曰。實。業。曰。交。通。曰。教。育。曰。軍。政。院。內。部。員。爲。一。系。院。外。部。員。爲。一。系。其。稱。俱。樂。部。者。祇。游。藝。課。中。有。所。謂。雄。辯。講。演。拳。射。球。壺。琴。棋。詩。鐘。金。石。書。畫。圖。書。園。藝。而。已。實。則。此。皆。欺。人。之。門。面。語。該。部。俱。包。涵。政。治。意。味。七。年。七。月。十。三。日。以。後。九。月。四。日。以。前。皆。該。部。之。籌。畫。中。鉤。結。中。近。人。宣。布。某。項。借。款。爲。大。總。統。連。動。費。詢。不。誣。也。東。海。被。選。以。後。該。部。儼。然。以。趙。高。之。立。二。世。楊。素。之。立。煬。帝。自。命。而。部。員。幾。有。一。登。龍。門。聲。價。十。倍。之。狀。祺。瑞。之。下。野。凡。以。監。督。東。海。而。錢。能。訓。適。承。其。乏。安。福。知。錢。爲。不。足。與。遂。宣。布。本。俱。樂。部。以。保。持。統。一。鞏。固。共。和。勵。行。憲。政。保。育。民。生。爲。宗。旨。一。條。驟。而。觀。之。志。願。未。嘗。不。宏。大。氣。魄。未。嘗。不。魁。偉。較。諸。從。前。之。國。民。黨。共。和。黨。統。一。黨。以。及。今。之。交。通。派。研。究。系。均。有。過。之。無。不。及。孰。意。其。弄。兵。禍。國。罔。利。病。民。至。於。斯。極。歟。今。錄。該。部。簡。章。於。下。

安福俱樂部簡章

(一) 本俱樂部以保持統一鞏固共和勵行憲政保育民生爲宗旨。(二) 凡贊成本

部宗旨。有部員十人以上之介紹。經主任許可者。得爲本部部員。給予部員證。(二)本部設理事長一人。理事五人。由評議會出席員過半數之推舉。經大會出席員過半數之同意。決定之。凡於本部爲有力之援助者。得由大會公推爲名譽理事。(三)四)本部設參議無定額。由理事公推之。(五)本部暫設主任一人。主持本部一切事宜。由大會於理事中公推之。(六)本部設評議會議決本部一切事宜。其細則另定之。(七)評議員之選舉。分爲左列二項。(甲)本部兩院議員。按照各省區及蒙藏青海地方。每議員五人。選出一人。但其餘數超過三人以上。及不滿五人者。省區地方。亦得選出一人。其由他處當選者。仍歸原籍選出。(乙)本部院外部員。得被選爲評議員。由本部議員會選舉之。以得票多數爲當選。但其名額不得逾前項總額三分之一。(八)評議會設會長一人。副會長二人。由評議員任選之。(九)本部設幹事部。執行本部一切事務。其細則另定之。(十)幹事部分設文牘交際會計庶務游藝五課。每課設常任幹事一人。幹事若干人。均由部長指任之。(十一)幹事部設部長

一人由主任兼之。(十二)本部設政務研究會。其細則另定之。(十三)政務研究會之會員。由本部部員按照第十四條所列各股。自由認定之。(十四)政務研究會分內務外交法典財政實業交通教育軍政入股。每股設股長一人。由各股員會公推之。(十五)政務研究會。設會長一人。副會長二人。由會員選舉之。(十六)政務研究會。設調查員無定額。由會長委託之。(十七)本部各項職員。任期三年。但得連舉連任。(十八)本部設議員會。以本部兩院議員組織之。決定關於議案之主張。但專屬於一院之事件。得以屬於該院之議員。開會討論之。(十九)本部每月開大會一次。但有重大事務。得由主任或評議員之提議。及部員二十人以上之要求。召集臨時大會。(二十)本部於各省區地方。設立支分部。其章程另定之。(二十一)本部部員。如有違反本部宗旨。及犯不名譽之刑事罪者。得由大會議決除名。(二十二)本簡章由大會議決施行。如有修正之處。由部員二十人以上之連署。提出評議會審查。報告大會議決之。

(二) 安福部之擴充

徐樹錚既恃曹汝霖等向日本借得數萬萬外債以爲包辦政黨之用王揖唐一手經理決舉東海爲總統而奉小徐爲安福黨魁其時揖唐尙無甚表見也揖唐夙拳拳於統一黨並在上海辦大共和報迨出任吉林巡按使以墾荒攬利爲孟恩遠所厄還無聊賴乃借此以迎祺瑞時各省議員正在初選復選揖唐密派黨員於各省區設俱樂部不稱安福而實爲安福之變相浙曰澄廬蘇曰雅園一時輦金而來者均恃俱樂部爲證券交易所揭曉以後安福實居泰半而參議院議員衆議院議員均取諸其中遂推李盛鐸長參議院王揖唐則自長衆議院凡蒙藏青海參議員之不足者揖唐則引皖人以實之蒙參之李國杰唐理淮周秀文藏參之張汝鈞青參之汪聲玲新衆之黃立中蒙衆之吳文瀚周維藩吳榮成藏衆之史啟藩青衆之龔慶霖無一非皖人而合肥尤占多數於是聞者知奔走安福卽可以立致通顯而十大罪魁覲然附於東海功人之列曾毓雋長交通李思浩長財政朱深長司法三權鼎立祇知有黨系而不知

有國家。此外吳鼎昌之次。財政陳籙之次。外交姚國楨之次。交通江天鐸之次。農商張
弧之長。鹽署總稽姚震之長。大理靡不山崩。鐘應互爲聲援。彼退職之龔心湛。曹汝
霖。陸宗輿。輩尤眈眈以待。一席吳炳湘之總監。王達之京尹。貢桑諾爾布及治格之蒙
藏院正副總裁。安福頭銜若與文虎嘉禾相埒。其籌備國會事務局委員長。又屬之部
員。梁建章置屈映光於魯。置呂調元於皖。置王印川於豫。置蔣邦彥於浙。置段永彬於
淮。凡軍閥之直接皖系者。更尊祺瑞爲師。魏樹錚爲友。以故安福之蔓延各省。而支部
分部俱爲攀龍鱗附鳳翼之階。級無怪曹張兩巡閱使暨長江三督軍不能無介介於
中也。支部分部其簡章規則附錄於下。

籌設支部簡章附規則

(一) 各省區支部未成立以前。應於各省區及重要地方。設立通信處。籌備進行。由
本部派員組織之。其先後緩急。由部長酌定。(二) 蒙古西藏。應照各省區籌設通信
處。(三) 各省區之通訊籌備員。應由本部各省區在京部員多數公推。經部長之認

可委任之蒙藏亦准此辦理。(四)本部委派之籌備員不以兩院部員爲限。(五)通訊籌備員隨時可依據本部簡章介紹新部員加入本部。惟須本人填寫志願書及履歷表彙報本部注冊。(六)凡通訊處之部員如過一百人以上者經本部審定後卽正式成立支部。(七)通訊處應將進行情形每月終報告於本部。(八)通訊籌備經費別以細表定之。

支部規則

(一)本部因擴充部務之必要在各省區及重要地方設立支部。(二)各支部以本部簡章第一條之政綱爲宗旨。(三)各支部定名曰某省區安福俱樂部支部。(四)各支部設職員如左。一主任由本部委任。二幹事長由各支部選舉。三評議長同。四幹事同。五評議員同。六事務員由各支部委任。幹事長評議長幹事評議員之名額及選舉方法各該支部自定之但須具報本部備查。(五)各支部關於左列事項須按期報告本部。一部務進行之狀況。二部員名冊。三職員

名冊。四議決案件。五預算決算。六其他重要事件。前項之報告除支部成立時之總報告外，分爲月報、季報、年報。(六)各支部之經費，由各支部自籌，但有特別情形，由本部酌量補助。(七)各支部如有違反本部政綱時，本部得制止或取消之。(八)各支部得自定辦事規則，但不得與本部規則抵觸。(九)本規則自本部評議會議決後施行。(十)本規則如有未盡事宜，由部長或部員十人以上提議，得交評議會修改。

籌設分部規則

(一)本部因擴充部務之必要，在各縣治地方設立分部。(二)各分部以本部簡章第一條之政綱爲宗旨。(三)各分部定名曰：某縣安福俱樂部分部。(四)各分部設職員如左：一主任，由支部委任。(二)幹事長，由分部選舉。三評議長，同。四幹事，同。五評議員，同。六事務員，由分部委任。幹事長評議長幹事評議員之名額及選舉方法，由各該分部擬定，報經該支部核准施行。(五)各分部關於左列事

項。須按期報告本省區支部。一。部務進行之狀況。二。部員名冊。三。職員名冊。四。議決案件。五。預算決算。六。其他重要事項。前項之報告除該分部成立時之總報告外。分爲月報。季報。年報。(六)各分部之經費。由各分部自籌。但有特別情形。得由支部補助。(七)各分部如有違反本部政綱。及支部規則時。得由支部制止。或取消之。(八)各分部得自定辦事細則。但不得與支部規則牴觸。(九)本規則自本部評議會議決後施行。(十)本規則如有修改之必要時。由各分部提議。經由支部報經本部。交評議會議決修改。

(三)安福部之支配

安福部幹事。雖有文牘。交際。會計。庶務。游藝。五課之建設。而部員中。得膺其選者。大都皆重要人物。各課有常任幹事。各股有專任幹事。而普通幹事。不過姑存其姓名耳。且部中幹事。尤以交際。會計。兩課爲樞紐。故交際課。屬曾毓雋。會計課。屬王郅隆。均廁名於十大罪魁中者。交際課。有院內交際。院外交際。外交交際。臨時交際。四股會計課。有

籌畫股支納股綜核股三股此外文牘課則函件股也。冊籍股也。新聞股也。譯著股也。以劉恩格筦之庶務課有安福本部股也有太平湖俱樂部股也。以熊正琦筦之游藝課有雄辯演講股也。拳射球壺股也。琴棋詩鐘股也。金石書畫股也。圖書園藝股也。以吳淵筦之文牘庶務有時權亦與交際會計等惟游藝則視爲閒散不甚注重故幹事亦多兼攝者王揖唐被舉主任各幹事均經其指任然因材器使確能各展所長兩年以來安福雖被盡惡名而不至遽遭失敗者不可謂非各幹事之忠於本部也。評議會會長田應璜以吳文瀚王印川副之政務研究會會長李盛鐸以秦望瀾克希克圖副之議員會幹事部主任陳懋鼎以劉朝望副之雖或推或選定則不同而此數人操縱機關使部員無不就範如能起而謀國利謀民福則安福可作功魁奚至與罪魁打盡一網哉不料曾毓雋所謂會計在撥交通部欸以濟黨費王郅隆所謂交際在聯某某國人以張黨勢而又有光雲錦烏澤聲輩以鼓吹新聞有梁鴻志輩以主持函牘是丹非素主甘忌辛鬼賊萬端黑幕實難以揣測尤可怪者對於西南前有徐樹錚之主戰

後有王揖唐之議和波譎雲詭之中不特蒙蔽合肥抑且侮弄東海至今日而假面具俱揭破矣然當時五課分則朗若列眉一觀其辦事之人風虎雲龍殆極一時之盛歟

本部幹事部細則

(一)本幹事部爲執行本部一切事務因本部簡章第十條之規定組織之(二)本部幹事部爲分配事務便於進行起見每課得更分爲數股(甲)文牘課分爲四股一函件二冊籍三新聞四譯著(乙)交際課分爲四股一院內交際二院外交際三交外交際四臨時交際(丙)會計課分爲三股一籌畫二支納三綜核(丁)庶務課分爲二股一安福俱樂部二太平湖俱樂部(戊)游藝課分爲五股一雄辯講演二拳射球壺三琴棋詩鐘四金石書畫五圖畫園藝以上所分之股將來視各課事務之繁簡得隨時增減之(三)每股設專任幹事四名由部長指定幹事輪流充任遇必要時得增加專任幹事(四)本幹事開會由部長召集之但有幹事十人以上之要求亦得召集之開會主席以部長充之部長有事故得由常任幹事代理之

(五) 幹事部議決事項。應由部長指分各課。分配施行。(六) 本幹事部。應由各股專任幹事。分配輪流值日。以均勞逸。(七) 本幹事部各課各股分則另定之。(八) 本細則自議決後。如有認爲不當時。得由部長或幹事二十人以上之連署提出。於幹事會修改之。

本部各課分則。

文牘 交際 會計 庶務 游藝

(甲) 文牘課 (一) 本課依本部幹事部細則第二條甲項之規定。分爲函件。冊籍。新聞譯著。四股。(二) 各股應辦事項。分列如左。函件股。執行本部發布通知。收發信件。並草擬啟覆各函電文稿事項。冊籍股。執行本部部員及所有財產物品各種冊籍之編造檢查。並製定部員證。徽章各事項。新聞股。執行聯絡報界。搜採輿論。發展新聞政策。擴充本部主張事項。譯著股。執行繙譯往來外國函電。及各國新聞雜誌書籍。並撰述論文章項。(三) 各股卷宗。應由各股專任幹事員。慎密保管之。

責(四)各股專任幹事應依值日表規定日時輪流到部辦事其值日表另定之。
(五)各股專任幹事請假時須委託同課幹事一人代理值日如有不得已事故請假至二十日以上者得由部長另委他人接充(六)各股執行事項認爲與他一股或一股以上有關係時得由本課常任幹事召集各股聯席會議其主席以常任幹事充之(七)本分則自議決後施行如有認爲不當時得由本課常任幹事或專任幹事五人以上之連署提出於本課全體幹事會議修改之。

(乙)交際課(一)本課依本部幹事部細則第二條乙項之規定分爲院內交際院外交際外交交際臨時交際四股(二)各股之職務分列如左
院內交際股執行關於本部兩院議員及與他團體議員接洽或調查之事件
院外交際股執行關於京內及各省區接洽或調查之事件
外交交際股執行關於外交方面接洽及調查之事件
臨時交際股執行關於臨時發生須接洽及調查之事件(三)各股已經接洽或調查之事件應由各股專任幹事隨時登記冊籍預備查考(四)各股

專任幹事。應輪班到部值日。以專責成。其值日表另定之。(五)各股專任幹事。因事不能到部值日時。須委託本課幹事一人代理。具有不得已事故。在二十日以外。方能到部者。得請部長指定一人接充。(六)各股執行事件。如與他一股或一股以上有關連時。得由常任幹事召集各股聯席會議。(七)本課因執行事項。與他一課或一課以上有關連時。得由常任幹事與他課會商辦理。(八)本分則自議決後施行。如有認為不當時。經常任幹事或專任幹事五人以上之提議。得召集本課全體幹事會修改之。

(丙)會計股(一)本課依本部幹事部細則第二條丙項之規定。分爲左列三股。籌畫股。支納股。綜核股。(二)籌畫股。掌理本部預算所定通常經費。及臨時經費之籌備。(三)支納股。掌理經常款項之收存。及按照預算之支付。但支付臨時費時。須經部長核准。(四)綜核股。掌理每月各種支出之審核。並保管其冊據。(五)本課每四箇月。編製預算一次。本部各課應用款項。應先期開列表冊。送交本課彙編。

報由部長核定。(六)本課每月應將收支列表報告部長。由支納股辦理之。(七)各股專任幹事。因事不能到部。在二十日以外者。得請部長指定他人代理或接充。(八)本分則自議決日實行。如有不當之處。得隨時由本課幹事議決修改。

(丁)庶務課。(一)本課依本部幹事部細則第二條丁項之規定。分爲安福俱樂部。太湖俱樂部兩股。(二)常任幹事。會同安福俱樂部專任幹事。太湖俱樂部專任幹事。辦理各該股一切庶務。(三)各股應支款項。由各股專任幹事。會同常任幹事。向會計課領取。(四)本部需用器具物品。應由本課常任幹事。各股專任幹事。擔任置備稽核保管之責。其各課特別器具物品。應由各該課與本課共同辦理之。

(五)各股專任幹事。應依值日表規定日時。輪流到部辦事。其值日表另定之。(六)各股專任幹事。請假時。須委託同股幹事一人代理值日。如有不得已事故。請假至二十日以上者。得請部長指定他人代理或接充之。(七)各股執行事項。認爲與他股有關係時。得開兩股聯席會議。(八)本課事項與他課有關係時。得由本課或他

課請求部長開聯席會議。(九)本分則自議決後施行。如有認為不當時。得由本課常任幹事。或專任幹事四人以上之連署提出。於本課全體幹事開會議修改之。

(戊)游藝課。(一)本課依本部幹事部細則第二條之規定。分爲雄辯。講演。拳射。球壺。琴棋。詩鐘。金石。書畫。圖書。園藝。五股。(二)本課設備宗旨。係爲同人涵養性能。聯絡情感之用。凡屬本俱樂部同人。均得隨時或定期赴部講習。本課除本俱樂部同人外。並得隨時邀請部外同志。加入講習。(三)本課常任幹事。擔任籌畫進行各股事宜。及監督雜務。(四)本課各股專任幹事。擔任各本股籌畫進行各事宜。(五)本課幹事。每星期一午後四時至六時開會一次。以策進行。如有臨時應集會之事。由常任幹事隨時通知之。(六)各股執行事件。如與他一股或二股以上有關連時。得由常任幹事召集各股聯席會議。(七)本課執行事項。與他一課或一課以上有關連時。得由常任幹事與他課會商辦理。(八)各股規則。由各股專任幹事會議定之。(九)本分則自議決後施行。如有認為不當時。經常任幹事或專任幹事五人以

上之提議得召集本課全體幹事修改之。

(四)安福部之呼應

安福部一俱樂部耳。何與於政務。然研究會所列八股儼然一國家各部之雛形。而會長又國務總理之攝影也。各股股長副股長視總次長。而其研究之法更較閣員會議爲完密。猶恐未與議者或相齟齬。或相衝突。復組兩院議員會以爲後盾。所謂凡關重大議案。預經本會議決。始能作爲本團體之定議。又謂前條之定議本俱樂部議員應在院內一致主張。則安福把持盤踞之心不啻司馬昭路人如見矣。且兩院正副議長李盛鐸田應璜王揖唐劉恩格兩院秘書長梁鴻志王印川臧蔭松無一不隸於安福部下。雖他系議員欲起而與安福相抗。無如彼衆我寡。投票以多數通過。卽府院亦無可置喙。往者張敬堯專橫至此。而安福不聞提劾。屈映光庸闇至此。而安福不聞撤回。此外督軍省長非法舉動層見疊出。省議會紛馳函電。都不過別調一省別換一缺。而未嘗褫奪其官勳也。不但此也。東海任一沈金鑑調一齊耀珊撤一屈映光罷一徐樹

錚而安福輒以未經交院爲非法東海欲用一周樹模而安福又屢以開院不足人數相延擱安福之欲望之氣餒幾欲合內閣及國會兩部份盡爲安福系所產出而奉東海以共主罪魁十人之計畫固已著著進行但冀學潮一平和議一定而王揖唐曹汝霖陸宗輿皆有總理總長之老資格固將一躍而登舞臺卽如山東教育廳長袁榮燮安徽實業廳長高炳麟陝西財政廳長高杞大通權運局長關建藩蕪湖警察廳長邱鳳舞陝西警察廳長王樹江西稽核處長周明捷等奚不足供罪魁之提拔其素在各部各局之秘書王廷揚印花處長關冕鈞等尤視爲樓臺近水可躍躍以圖一試和固欣然戰亦可喜若輩誠不惜以中華民國爲孤注之一擲也嗟乎東海日愛羣魔之騷擾而不覺日受衆妾之蠱惑而不悟危哉危哉曰政務研究會曰兩院議員會章程所箸措置井井要不得以人廢言云

政務研究會細則

(一)本會爲本部發表改見之預備。依本部暫行簡章第十三條之規定組織。(二)

本會研究事項。分爲左列各股。一內務。二外交。三法典。四財政。五實業。六交通。七教育。八軍政。(三)各股研究事項。由會員自行認定。(四)本會設會長一人。總理會務。副會長二人。贊襄會長。協理會務。均由大會投票公舉。(五)每股設股長一人。副股長二人。經理各該股事務。由各股會員。分別公推之。(六)凡研究問題。由會員提出。須交由股長審定。分別緩急。商請會長。定期開會。(七)研究問題。如涉兩股以上者。應聯合開會。以該股序列在前之股長爲主席。(八)各股研究之結果。由股長報告於本會。議決後。由會長告於本部。(九)本規則如應改正。須有會員十人以上之提議。經本會之議決。

兩院議員會章程

(一)本會以本俱樂部兩院議員組織之。(二)凡關重大議案。須經本會議決。始能作爲本團體之定議。但專屬於一院者。得以屬於該院之議員議定之。(三)前條之定議。本俱樂部議員。應在院內一致主張。(四)本會開會。以兩院議長爲主席。議長

有故不能到會。副議員代理。(五)本會參議員部設幹事四人。衆議員部設幹事八人。經理一切會務。均由各院主席推定。(六)本會須有本部議員三分之一以上之列席。始得開會。(七)本會開會無定期。由主席提議。或議員十人以上之請求。得隨時召集之。(八)本章程如有未當之處。得於議員會提議修正。

(五)安福部之評議

安福部有兩院議員會矣。而又有少數選出議員之評議會。說者或疑爲駢枝爲贅疣。而不知安福固別有用意也。議員會雖取一致之同意。而所謂議員者。不過受安福之丕冒。以挂名黨籍。俯聽指揮。爲宗旨而實備位於會末。曷敢發一言以相詰難哉。破觚而爲圓也。聽之指鹿而爲馬也。聽之趙孟所貴。趙孟能賤。安福亦利用各議員之恭順。而全權皆由部長所操縱。其秘密集合以解決各種外界之激刺者。惟此數十評議員耳。兩院議員會皆係院內部員。而評議會可選院外議員。於是徐樹錚、李思浩、曾毓雋、丁士源、曹汝霖、陸宗輿之徒。紛紛列席於評議會。而所評所議者。均係兩院範圍以內。

事是院外部員之與院內部員不啻借評議會爲融洽地而評議會議決後始付兩院議員會同議而評議會諸議員早已胸有成竹娓娓發言兩院議員見有正副議長爲主謀秘書長爲表示諸議員又極端贊成惟有聞舉手則舉手聞起立則起立而已故至兩院開議安福已經第三度之研究無論內務外交法典財政實業交通教育軍政非得安福同意大總統亦祇得撤回議案蓋自中華民國七年八月以後無內閣制皆安福制耳錢能訓辭職靳雲鵬辭職內閣中乃置一不痛不癢之薩鎮冰則曾李朱三罪魁更以院外部員干涉院內議員傀儡仰食於人殆所謂紙糊閣老泥塑尙書耶比年設籌邊使以優待徐樹錚設漕運局以優待吳炳湘併京漢京綏兩路局以優待丁士源特置龍煙鐵礦公司以優待陸宗輿特置齋堂煤礦督辦以優待呂調元卽新立之經濟調查局中將部員之無可安插者靡不分得乾俸幾許而此項兼籌並顧皆於評議會預定主宰而借兩院通過以飾耳目安福之評議會實安福製造罪惡之基礎也附誌細則並列其人以示於衆。

本部評議會暫行細則

- (一) 本會以本俱樂部兩院議員照本部暫行簡章所選出之評議員組織之。
- (二) 本會會長副會長由本會開會用無記名投票法互選之。以得票多數者爲當選。
- (三) 會長總理本會一切事務。
- (四) 副會長替襄會長執行本會一切事務。
- (五) 於會長缺席時代理之。
- (六) 本會設書記二名掌管記錄繕寫兼保存文件。
- (七) 凡屬於本俱樂部一切重要事宜照本部暫行簡章應由本部交本會議決施行之。
- (八) 凡本會認爲有議決之必要者得由評議員五人以上之署名要求本部交議。
- (九) 凡本會否決之事件本部不能執行之。
- (十) 本會每月至少須開常會兩次。但認有開臨時會之必要時得由會長經行召集。或評議員五人以上之提議。或部員十人以上之要求召集之。
- (十一) 開議人數以評議員總額三分之一出席爲法定人數。
- (十二) 評議方法以出席人數之過半數表決之。但可否同數時則取決於會長。
- (十三) 評議會非具確實理由經本會議決者不准辭職。
- (十四) 凡無特別理由繼續三次不

到會者由本會議決除名(十四)本細則自議決後實行。如有認爲應修改者得以開會時出席過半數之同意修改之。

附評議會會員題名錄

(會長)田應璜(副會長)吳文瀚 王印川(評議員)楊以儉 王文芹 吳得錄
王葆璽 蘇毓芳 魏福錫 邴克莊 祝華如 趙驥 邊長增 宋連
甲 張文翰 尹宏慶 王宗元 張坤 彭運斌 李時燦 徐卓增 畢太
昌 賈耕 解榮輅 邢殿元 李友蓮 吳宗濂 夏寅官 孫錫恩 張從
仁 蘇文選 陳光譜 胡延禧 吳山 劉朝望 張汝鈞 包發鸞 魏調
元 葉先圻 魏會英 曾毓煦 王大貞 張元奇 鄭元植 賀德霖 謝鍾
靈 錢葆青 余德元 李繼楨 周渤 張宣 楊岳 符定一 武樹
善 鍾允諧 白建勳 段永新 宋振聲 馮翊瀚 李鍾麟 鄧鎔 林韻
宮 林炳華 楊增美 姚華 孟憲彝 張其密 劉械 鄭仲升 饒應

銘 毓 朗 克希克圖 德色賴托布 李 芳 巫懷清(院外評議員)徐樹

錚 曾毓雋 李思浩 丁士源 姚國楨 陸宗輿 曹汝霖 姚 震 段芝

貴 吳鼎昌 吳炳湘

安福部

中編 鼎盛時之安福部

(一) 安福部之主戰

兩廣自主河間入都斯時安福部未成立也然安福部首領徐樹錚實佐段祺瑞而爲主戰派雖國璋嚴密制止而亦無可如何蓋祺瑞於兩次訂借日款三千萬元時早已預備平南軍費不意傅良佐督湘而范國璋王汝賢掣其肘零陵鎮守使劉建藩又宣告獨立以抗之此第一劫也祺瑞雖辭內閣總理而猶握陸軍總長之柄故主戰宗旨迄未更動迨陳復初在常德宣布獨立而王汝賢又退出湖南湘粵桂聯軍既占長沙復欲內犯祺瑞猶思背城一戰以爲抵禦計而直隸之曹錕江蘇之李純江西之陳光遠湖北之王占元合詞呈請停戰祺瑞始悟國璋之暗競並此陸軍總長而亦辭之此第二劫也倪嗣冲張懷芝等料和議之不足恃會同曹錕於天津再議宣戰國璋又不

願與祺瑞謀遂借出巡爲名親赴長江一帶而嗣冲實以復祺瑞請國璋不得已下令罪已褫奪王范用曹錕張敬堯入湘張懷芝亦赴贛自効主戰派對於此舉似可滿意而徐樹錚復以祺瑞下野無位發展特以副總統歆張作霖使其劫械稱兵以示威武而樹錚遂結合楊宇霆翁之麟輦以副司令名義彌布於獨流廊房灤州諸處國璋惕於樹錚勢力果起祺瑞祺瑞乘北軍攻克長沙之際慨然入鄂順道長江以爲一戰平南無待再計詎知懷芝養痾漢口敵撲醴陵潰敗情形不堪設想彼曹錕亦自長沙捷後延不進攻徒以日索軍需爲急此第三劫也祺瑞遭此三劫知主戰不足以定南方而於是移兵費以組政黨矣。

曹汝霖陸宗輿二人羣知爲安福部健將也徐樹錚利用之以親日本所貸日本之款項除吉長路約外借日本電信借款凡二千萬元訂順濟鐵路借款又二千萬元借吉會鐵路日款又一千萬元訂借吉黑林礦又三千萬元訂借善後借款又一千萬元訂簽中日蒙滿四路及高徐順濟四路約借日款又各二千萬元先後四月共借三萬三

千萬元而戰費實去其三分之一。然親日派之回扣在其中。運動之酬報在其中。東三省之林礦路權從此皆淪陷於日本。而萬劫不能回復。賣國賊三字之徽號。曹陸可奉爲特別標幟。而曹汝霖遂乘祺瑞三次組閣時以交通總長而兼財政炙手可熱其勢炎。炎國璋側目其間。恐主戰派乘機而代其位。於是將南北戰禍完全推諉於祺瑞。使國人惡祺瑞爲矢的。而江督諸人更通電主和。以餌廣州軍府。主戰派心益急。謀益毒。而王揖唐包辦政黨之策。遂取信於徐樹錚。而安福胡同寢寢乎。集合團體以圖擁段。故安福部成立之始。所派五課幹事。猶有足記者。讀者勿視爲明日黃花也。

幹事部各課常專任幹事題名錄

(甲)文牘課常任幹事劉恩格(一)函件股專任幹事梁鴻志 鄧邦述 艾慶鏞 向乃祺 夏仁虎 湯用彬 彭清鵬 周維藩(二)冊籍股專任幹事康士鐸 陳震 陳嘉言 劉文煜(三)新聞股專任幹事光雲錦烏澤聲代

賀培桐 解樹強 史啓藩(四)譯著股專任幹事袁榮燮 王世澂 陳煥章

吳德潤

(乙)交際課常任幹事曾毓雋(一)院內交際股專任幹事鄭萬瞻 曹鈞

李道在 阿昌阿(二)院外交際股專任幹事陳瀛洲 倪道杰 賀黻冕 姜

兆璜 (三)外交交際股專任幹事李國杰 魏斯吳 卞蔭昌 陳亮(四)臨

時交際股專任幹事吳劍豐 王伊文 黃文濬 袁進業

(過)會計課常任幹事王郅隆(一)籌畫股專任幹事臧蔭松 何毓璋 成多

祿 劉振生(二)支納股專任幹事王立廷 袁振黃 邵繼琛 王彭(三)

綜核股專任幹事黃雲鵬 趙連琪 丁葆光 李增穠

(丁)庶務課常任幹事熊正琦(一)安福本部股專任幹事黃立中 汪立元

李龍圖 張石生(二)太平湖俱樂部股專任幹事李寶楚 趙熙民 吳凌雲

徐亞屏

(戊)游藝課常任幹事吳淵(一)雄辯演講股專任幹事黃雲鵬 李繼植

袁榮菱 饒孟任 胡鈞 吳德潤 彭清鵬 何霽峯(一) 拳射球壺股專
 任幹事楊岳 楊以儉 賀色畚 永壽(二) 琴棋詩鐘股專任幹事陳懋
 鼎 周行原 王彭 周維藩 趙熙民 徐亞屏(四) 金石書畫股專任幹
 事應饒銘 姚華 烏澤聲 趙國源 王運孚 周季支(五) 圖書園藝股
 專任幹事鐘允諧 陳煥章 胡繼棟 吳春生 吳劍豐 喬哲勞 王伊文
 甘鵬雲 劉映奎 徐世藻

(二) 安福部之仇學

曹汝霖抵借日款一萬六千萬元以供戰費及籌備國會費諸用其初黑幕所掩惟安
 福部重要分子能略道一二其餘收買入部者並不得其大概但以爲部費充足而已
 然段祺瑞自倒馮舉徐之計定其參戰一局尙未結束至八年七月二十日始改爲邊
 防事務所而安福部正醞釀舉徐時代惟陸徵祥顧維鈞王正廷施肇基魏宸組在和
 會所爭青島問題之失敗業已宣布全國東海受任以後並不於日本有所表示而陸

宗○輿○章○宗○祥○汝○霖○等○親○日○派○依○然○位○閣○員○持○使○節○遂○積○不○能○平○而○思○去○之○但○知○曹○等○
爲○賣○國○賊○而○仍○未○得○借○款○之○真○相○也○至○覓○得○二○十○一○條○之○通○牒○洵○欲○得○曹○汝○霖○而○甘○
心○學○生○意○氣○較○盛○聯○合○較○易○迺○有○五○月○四○號○之○變○復○有○五○月○九○號○之○變○斯○時○曹○汝○霖○固○
倖○免○章○宗○祥○實○誤○傷○陸○宗○輿○特○波○及○耳○學○潮○鼓○盪○之○際○但○能○將○汝○霖○解○職○且○夕○卽○可○無○
事○無○如○段○芝○貴○吳○炳○湘○輩○與○汝○霖○同○隸○安○福○必○欲○爲○之○復○仇○而○後○已○學○生○一○捕○橫○流○斯○
濫○而○日○本○借○款○之○鉅○數○始○條○分○縷○析○而○無○可○諱○海○內○各○界○以○林○礦○鐵○路○日○人○幾○奄○有○吉○
黑○益○痛○心○疾○首○於○曹○章○陸○而○以○抵○制○日○貨○爲○自○衛○計○驅○賣○國○賊○出○族○爲○賣○國○賊○立○碑○由○
京○而○津○由○津○而○滬○旁○及○浙○閩○皖○嶺○諸○省○繼○併○推○之○於○西○南○傳○增○湘○無○可○調○停○憤○然○辭○職○
而○去○於○是○撤○章○宗○祥○黜○陸○宗○輿○罷○曹○汝○霖○希○冀○消○學○生○之○氣○而○奈○何○亡○羊○補○牢○之○已○晚○
歟○

且○不○獨○學○生○爲○然○也○商○界○罷○市○工○界○罷○工○其○心○日○中○祇○仇○陸○章○曹○三○賣○國○賊○並○知○三○賣○
國○賊○產○生○於○安○福○部○因○以○仇○賣○國○者○仇○安○福○部○而○學○生○熱○血○所○溢○乃○次○第○爭○青○島○爭○閩○

案爭蘇案總理錢能訓既無法以籌制止不得已敦請大學校長蔡元培爲鎮定計畫嗚呼星星之火可以燎原涓涓不塞流爲江河使學潮蔓延至今而未息者安福部階之厲也汝霖既解交通總長任復以安福部員曾毓雋爲續其實尤在汝霖之下而外交次長陳錄又隸於安福部下不敢與他族相辯護青島直接談判之牒遷延復遷延始團圓一復以欺國人而馬迹蛛絲尙不免爲陸章曹所牽動安福部之開罪於國人不止陸章曹三賣國賊而陸章曹之歷史急宜爲讀者一洩之

章宗祥字仲和浙江吳興縣人章氏故鉅族居荻港鎮宗祥以諸生留學日本桐城吳汝綸赴日考察學務其東游叢錄宗祥所譯也畢業歸國爲民政部司員旋升內城巡警廳承恂恂自處論者咸樂與周旋善者尤愛之入民國長大理總司法四年使日與陸宗輿曹汝霖同爲親日派亦附於段段與日本訂借款約章皆代爲簽字嗣因學潮激刺而罷然宗祥實膽識淺薄者不敢於安福部顯露鱗爪但親日附段之罪終不可逭也

陸宗輿善用權謀術數者較章宗祥超過倍蓰。字潤生。浙江海寧縣人。留學日本。速成法政。一捐納班郎中。耳工夤緣。善奔競。得充憲政編查館幫提調。兼政務處參議。奕劻更保授四品京堂。徐世昌督東。調辦奉吉江鹽務。錫良繼徐。仍准月支薪八百兩。而宗輿實在京兼差也。奕劻組內閣。成引長印鑄局。至民國。歷國務院秘書。駐日公使。交通部總長。幣制局總裁。然親日附段。與宗祥如一轍。七年借款。又合曹汝霖併力爲之。故雖以學潮失敗。而龍煙鐵礦督辦一席。依然未撤也。爲安福部院外部員。住東單樓鳳樓小土地廟。

曹汝霖強悍之氣。非宗輿所能及。而親日附段。實可首屈一指。論者且呼名而詈之。汝霖不顧也。字潤田。江蘇上海人。以舉人官外務部。自額外司員。遷左丞。晉侍郎。不及三五載。奕劻那桐均以奇才目之。間島交涉一案。棄安奉政警權。棄吉長路權。而劼尙稱其索還間島。以民國袁氏復倚汝霖。以親日於是五九之約。帝制之謀。皆汝霖所計議。遂歷長外交。財政。交通諸部。與徐樹錚最密切。因成一萬六千萬之借。

歎學潮打劫。匆促謝事。不特祺瑞耿耿。恐東海亦未忍其去也。安福部提議之始。曾與王揖唐互有關係。安福諸部員奉爲院外部員之冠。曾毓雋承其衣鉢。以嚮安福。而徐樹錚輩且親詣東城趙家樓。以就之。百足之蟲。死而不僵。信然。

(三) 安福部之倒閣

馮段同時下野。而以大總統一席畀諸東海。安福部收買擁戴之功。績至此。遂告一段落。東海果能感激安福。應卽遴選部員以總內閣。而東海獨以錢能訓攝其事。蓋能訓爲東海督東時所特賞者也。能訓提出新國會。斬正式推舉安福中梗者多。日幸祺瑞從中轉。樹錚又示意王揖唐等始得一致通過。而說者謂祺瑞之力。猶不若五國消弭內亂之勸告。但安福雖暫維錢閣。終彼此不甚貫徹。倒閣之機。伏於是矣。會東海以西南戰禍無已。師馮故智。委曲謀和。廣東七總裁亦思乘機下臺。爲譚法作一結。東瀛閩兩省息兵。畫防實爲和議開始之一大紀念。南方命唐紹儀爲總代表。並分代表若干人。要求東海承認。而北方總代表尙惟安福之命是聽。互爭地點。以在滬在寧在京。

三者擇一函電往返終以。上海租界兩不相妨而媾和之時機似乘此可以成熟而安。福偏於北總代表延不產出。東海狗梁士詒之請突然令朱啟鈴銜命安福聞而大駭。必欲破壞和議使啟鈴不能成功。徐樹錚諸人固欲藉開戰以借債藉借債以賺錢。南。北一和不啻墮其絕大營業。既啟鈴又非安福部員若謀和有效安福又多樹一敵若。輩蓋純以自私自利爲宗旨而國家之危阨人民之塗炭不惜盡舉而犧牲之故朱氏。南下粵總裁特設種種苛條以相難時已純然受安福所嗾矣。啟鈴磋商至再紹儀堅。持到底正相交接適有陝西停戰之掣肘是直驅啟鈴而北也。審計院長莊蘊寬核啟。鈴議和各帳內謂開太太小姐之交際費及梳妝臺雪花粉類隨員諸人之俱樂部內。開麻雀博克牌價及三絃胡琴簫管類爲不經若較之安福部魁王揖唐猶爲彼善於。此。

朱啟鈴憤請辭職後各代表均紛紛四散南方總代表唐紹儀固猶駐滬待命也。徐樹錚諸人雖日擊啟鈴之北返而對於東海議和之舉動派人之嫌隙尙不能釋然於胸。

中且恐日後辦事東海皆不就商安福則院內院外之部員必至攜貳而後已於是不能動搖東海者降而動搖能訓謂棄戰議和之策能訓實贊成之也能訓夙以能幹著且恃此懸河之口焉不能折倒安福特安福必欲倒錢閣以示威東海能訓遂適當其衝東海以一國元首而不能庇此最親最信之錢內閣夫亦可哀之甚已能訓既兼罷內務總長東海擬畀以北總代表使可借名南返而又劫持於安福期期於爲不可不獲已而有蘇浙太湖水利工程督辦之命而副以王清穆陶葆廉是觀筆耳能訓既去而安福之燄乃日增而不已

安福表表之龔心湛既不能久繼能訓而陸軍總長靳雲鵬遂承段命以組內閣靳固段派然與徐樹錚不相能也與樹錚不相能與安福亦不相能而安福仍不顧靳久其位閣員支配靳實無權十部之中不兼卽缺而財政總長李思浩交通總長曾毓雋司法總長朱深更以安福翹楚蔑視雲鵬而外交次長陳錄財政次長吳鼎昌張弧交通次長姚國楨農商次長江天鐸教育次長傅嶽棻無一非挂名安福所能輔翼雲鵬者

一。田。文。烈。一。薩。鎮。冰。而。已。安。福。既。事。事。難。雲。鵬。李。曾。朱。三。總。長。往。往。不。肯。出。議。席。彼。三。
五。次。長。又。從。中。串。煽。挑。撥。以。自。見。而。雲。鵬。辭。職。之。計。決。往。謁。祺。瑞。淚。隨。聲。下。雲。鵬。何。自。
苦。乃。爾。耶。安。福。雖。不。以。雲。鵬。爲。一。氣。而。究。有。祺。瑞。關。係。尙。不。肯。聽。其。遽。下。且。一。方。面。繼。
閣。總。理。侈。談。周。樹。模。王。士。珍。而。安。福。尤。不。能。滿。意。靳。閣。之。苟。延。以。此。至。再。辭。三。辭。而。准。
假。委。代。之。令。不。能。不。慰。藉。雲。鵬。矣。錢。靳。皆。爲。安。福。所。中。未。必。不。能。再。起。姑。述。身。世。以。備。
考。證。

錢能訓字幹丞浙江嘉善縣人光緒丙戌進士旋入翰林歷充試差學差然其人明
敏通達論者咸譽之初晉御史甲辰乃權商部右丞徐世昌以同年故獎借不遺餘
力督東三省日特設左右參贊以處能訓及周樹模能訓管諮議廳事頗援引年家
故舊益爲人所稱錫良代徐不善能訓之所爲因裁參贊缺以諷其去能訓鬱鬱不
得志賴世昌力出任陝西布政使蓋參贊秩二品與藩司適爲同級恩壽去遂護埋
巡撫事幕府中有許某者浙人有寵於能訓及武漢變起警耗入秦陝軍以樹白職

以應能訓。囑許擊以槍。許手顫力弱。得不死。孰知能訓長內務總內閣。尙有許多事。業未了。耶。袁項城以世昌薦。頗許與聞政事。段閣成立。先後爲內務總長。數載。及洊升內閣總理。不期年而罷。充江浙太湖水利工程事宜。督辦以經費支絀。碌碌無表見。若辛亥爲許所中。吳學使殉難記中。當增一席矣。惜哉。

靳雲鵬字翼卿。山東人。卒業日本士官學校。爲段祺瑞所覆蔭。先從袁世凱治軍。北洋曾一入浙江督練公所。檄調至雲南爲軍事參議官。李經羲不能用也。滇省革命經羲僞殉。以逝。雲鵬亦雜輿僊中。走阿迷。幾瀕於死。袁聞雲鵬至北。授爲公府顧問。並令率第五師鎮山東。旋升山東都督。惟雲鵬忠於祺瑞。不肯附世凱。稱帝以是請罷祺瑞組閣。先令主參戰事。嗣長陸軍部。然惡徐樹錚甚。且因議和西北邊防經費而折龔心湛。八年起組內閣。卒以未愜安福部爲李思浩曾毓雋朱深屏之去。段禍猝發。衆喙集矢雲鵬。猶往來京保間。作調人於祺瑞。誠厚矣。聞尙有再起組閣之希望。

(四) 安福部之議和

安福部。朱啟鈴之辭職。知紹儀在滬。和議決不能中止。又恐他人捷足先得。部員會議。交推安福部主任王揖唐。繼朱開議。西南聞有派王之訊。嚴電拒絕。京津報紙辱詈。詆志在力沮。其行豈知隨員三批已先後由京出發。揖唐乃挈一妻一妾一妹一女。乘津浦汽車而下。騶從炫赫。行李輝煌。假寓於上海靜安寺路哈同花園。凡文牘會計庶務。諜報各科。靡不星羅棋布。籌畫井井。並聘長蘆緝私統領季光恩爲翊衛。連騎結駟。道路側目。較諸朱啟鈴在滬時。奢儉正復相反。揖唐本無議和志。祇以西南不肯承認。始持此不開議。不離滬之決心。南總代表唐紹儀。以未得粵總裁電告。當然不能攜手。而申報新聞報等羣以賣國賊大聲相詬。西報亦同時附和。商民警告學生聚譁。稍有感覺者。亦必棄職返命。無復留戀之餘地。而揖唐則四出運動。冀一見唐紹儀。以自解。某使請茶會。而唐不赴。某會請公宴。而唐復辭。王揖唐百計千方。終成畫餅。於是將東西旅館。德國公園。兩部分之隨員。盡遷於民厚南里公寓。而先從收買輿論爲第一步。

光雲錦陸敬熙連文徵之屬皆與新聞記者相稔熟不一月而惡聲漸息王揖唐於此乃辦大公報以圖抵制

王揖唐在滬凡十月卓卓然流傳於世者一部上海租界問題耳以仿宋活字版印刷之裝潢之精雅紙墨之純潔固屬一時無兩惜其中所叙風景事實均脫胎於某書局所編上海遊覽錄等書故揖唐贈租界問題與某書局總理總理卽緘遊覽錄等書報之亦足見揖唐之淺矣說者謂租界問題之作實成於隨員某某揖唐尙無此舉達其所以印贈京內外各機關者無非故示間暇令人不可捉摸不可測度實則部員之來往京滬踵相接項背相望而滬報所傳之笑柄幾使人忘其爲北總代表迨炸彈一震喚醒夢夢揖唐方有所動作而粵軍政府忽四分五裂授以極好之機會舊會議員之趨滬王揖唐又用此魚行老板手腕朝茶話暮酒叙希圖收買爲和議之助西南氛惡岑獨負責揖唐欲取媚於孫文伍廷芳唐紹儀不得不痛詈岑春煊更不得不因岑春煊而痛詈直系李純諸督軍

九年。六七月間。之大公報始。詈岑繼。詈李後。乃詈吳秀才。吳戈什哈。不止。粵軍政府。雖甚不振。始終不願以揖唐代表相議。溫宗堯之派將以形揖唐之不可用。揖唐正興高。采烈借四總裁宣言。爲金書鐵券。而思藉以塞李純諸督軍之口。派書記整會場。安福部之宏功偉業。又於此得以發軔。彼唐紹儀更一變態。幾若南北和議之解決。非公莫屬。揖唐遂運電中央。急請開議。溫宗堯祇得偃旗息鼓。而返。何來譚延闓竟敢破壞和議者。著從湘四進逼張敬功。前鋒潰遁。安福已一挫銳氣。張敬堯全軍覆沒。安福始無復鬪志。惟段祺瑞徐樹錚輩。猶以邊防軍爲可恃。思出此倒行。遂施之詭計。而揖唐則逍遙海上。互聽軍報。自有李思浩曾毓雋萬際國幣以接濟黨。賀也不逾時。而徐樹錚褻不逾時。而段祺瑞敗不逾時。而李思浩曾毓雋俱列於十大罪魁。下令通緝。而揖唐北總代表之盛譽。亦從此無形打消。揖唐乃由上海而入普陀山矣。

揖唐議和之始。除分代表方樞施愚王克敏諸人外。而隨員實繁有徒。其取於兩會本部。議員者。若史啟藩光雲錦周秀文等是也。其取於本部院外部員者。若曹曾張開屏

陸敬熙等是也。其取於各部院司員者若潘之瑞曹經沅等是也。此外各部總次長有推薦各省督軍省長有請託舊僚屬之曾隸揖唐戲下者有干求其可指數者凡七八十人。月餽薪水自數百元至百十元不等。諸隨員無所事事不過酒食徵逐以賭博狎嫖爲慣技其稍稍自命風雅者乃購書畫金石以消遣。九年一二月間諸隨員恐和議絕望非安福部者已稍稍散去。嗣聞西南在滬四總裁漸表同意而公寓報到者又滿。阮滿谷其人固爲獵取薪水計而尤望和議大定可以叙功得保也。揖唐對待諸隨員始終加以優渥雖至機關解散尙各畀以兩月之乾俸若辦大公報以噬人以嫉世則構怨處殊足致禍堂堂安福主任卒與刑事犯內亂犯同一緝捕且其昭昭罪案有較十大罪魁爲甚者諱無可諱辯無可辯去耳去耳有不令人痛哭流涕長太息哉。吾誌揖唐吾因附誌諸隨員。

王揖唐原名賡後以字行安徽合肥人也。清季以進士授部曹出遊日本畢業士官學校蓋與陸文節光熙同年同學也。歸改道員任奉天督練處參議復任吉林兵備

分處總辦東督徐世昌吉撫陳昭常皆器之會不嫌於錫良退而參與革命事袁世凱總統民國揖唐不願與諸武人伍獨以組政黨辦報紙希袁榮寵袁亦利而用之國會解散揖唐出任吉林巡按使以與孟恩遠有衅而去再起充參政院參政亦不能大展其志往以鄉誼附祺瑞至爲徐樹錚所賞於是購買議員選舉總統而安福俱樂部於以成立揖唐以安福部主任充衆議院院長八年被任爲北方和議總代表年僅五十許而溫和敦謹望之若忠厚長者然周公恐懼王莽謙恭其真僞要在自辨耳

附錄北總代表隨員名單

史啟藩 介民 曹經沅 香衡 曹曾省之 任家豐 瀛士 魯鴻琛 葆宇 金華
丞化丞 楊鍾幹 秀山 聶紹弼 右軒 潘之瑞 毓聆 姚芳潤 漱六 呂樹松 履
丞 吳徵 洗戈 蕭奇 斌質鈞 張武國 藥 葉長盛 柏林 李士銑 振林 沈冠
球叔文 謝昭潛 初 王鐸 鐸文 林鼎華 雲藩 鄧質儀 素存 尹扶一 仲雅

孫漢勛少江 丁自鵬雲搏 周秀楨幹父 朱樹春季初 趙國源左泉 沈榮
 秩六軍 徐世藻佩芹 范家驤伯祥 趙毓琳松琴 章珣東甫 林兆元筱園
 費繼祐受臨 余鶴松鳴皋 朱榮漢學虛 宣傳謨禹階 劉文述佩彭 陸敬
 熙慎齋 吳春生陽初 光雲錦農聞 季光恩雨農 王世激莪生 胡詒穀文
 甫 賈士毅果伯 闕鐸鶴初 沈成式崑山 張開屏子藩 劉克昇慶叔 褚
 毅瑞堂 吳德耀琴軒 郭傳薪祥林 宋鑄庭陶齋 趙隆吉藹堂 董文蔚豹
 若 曾毓煦暮皆 何其慎謹庵 唐理淮伯平 周秀文夢蘭 胡維棟松雲
 連文徵慕秦 章夔一子怡 汪培源篤齋 唐理淇養吾 徐本海晏瀾 鄭萬
 瞻雲渠 趙南野 謝覺山 汪筱若

(五)安福部之籌邊

徐樹錚以總統既選祺瑞有虛榮而無實柄遂思別關一局以自立然其宗旨非不發
 揚而蹈屬也外蒙獨立之際其勢洶洶均由毓某鍾某等力加防制尙不至數爲邊患

七○八○年○以○後○宗○社○黨○漸○散○陶○克○陶○又○不○復○再○振○諸○蒙○王○喁○喁○內○嚮○思○乘○間○上○達○於○總○統○樹○錚○覲○此○一○隙○遂○向○祺○瑞○乞○西○北○籌○邊○使○一○席○而○祺○瑞○又○以○邊○防○事○務○處○初○立○不○可○無○心○腹○以○爲○之○保○障○於○是○以○兵○權○付○樹○錚○之○手○而○所○謂○參○謀○長○傅○良○佐○軍○備○處○處○長○翁○之○麟○機○要○處○處○長○張○光○澤○幾○幾○爲○樹○錚○所○鈐○轄○而○樹○錚○之○威○望○勢○力○至○此○始○因○膨○脹○而○發○洩○高○牙○大○纛○照○耀○外○蒙○數○年○來○他○人○力○征○經○營○之○苦○功○盡○爲○樹○錚○所○攘○奪○飛○電○入○告○振○振○有○詞○一○若○岳○鍾○琪○之○平○青○海○左○宗○棠○之○定○回○部○不○足○頡○頡○其○萬○一○在○總○統○方○以○外○蒙○爲○肘○腋○之○患○得○此○暢○然○意○滿○未○嘗○不○褒○美○樹○錚○使○節○逶○迤○冊○封○活○佛○安○福○之○種○種○氣○餒○已○隨○徐○樹○錚○而○至○外○蒙○矣○

蒙○古○向○有○內○外○之○分○內○蒙○在○東○三○省○曰○哲○里○木○盟○在○熱○河○曰○卓○索○圖○盟○曰○昭○烏○達○盟○在○察○哈○爾○曰○錫○林○郭○勒○盟○在○綏○遠○曰○烏○蘭○察○布○盟○伊○克○昭○盟○至○沿○邊○蒙○古○則○散○處○新○疆○阿○爾○泰○青○海○甘○肅○之○間○政○教○風○俗○與○內○蒙○又○不○甚○相○同○清○代○征○服○之○時○大○率○重○在○羈○縻○以○班○爵○和○親○爲○上○策○二○三○辦○事○大○臣○粥○粥○別○無○所○能○卽○理○藩○院○亦○僅○以○朝○貢○會○盟○作○昇○平○

之粉飾已耳。蒙古與俄疆爲近久已。蠢蠢欲動。及聞政體改革。更覺有詞可藉。然中華民國之設。蒙藏院總裁副總裁。以備控制。定議院蒙古議員。以示優異。實欲潛移默化。俾曉然於五族共和之大義。未嘗薄待蒙古貢桑諾爾布及治格。居京日久。漸與徐樹錚輩接近。亦寔寔爲安福旋渦所吸入。而樹錚恃此機振。乃儼然營窟宅於蒙古。進則可戰。退則可守。其時攬權納賄。欺騙王公。誠有若腹誹者。誅道路以目者。於時外蒙諸部落亦相抨相擊。而不能容納樹錚。

夫樹錚之假朝命。縮使符以陵鑠。蒙古者仍半倚祺瑞之邊防軍耳。第邊防軍編制未備。訓練未熟。固不能比奉天張作霖之軍。遠甚。故樹錚入蒙之始。卽不敢開罪於作霖。而蒙人之親附樹錚。又不若其親附作霖。而受降冒功之前後。歷史作霖又燭照而數計。樹錚處此叢脞深望。邊防軍完全成立。可以仗景延廣十萬橫磨劍。以鞭箠天下。近惟迫王公入覲。以期誇耀於東海。而不料垓下之戰。竟至一敗塗地也。樹錚可兒。其結果至於斯極。天何虐安福部員之酷耶。研究安福部者。不可不研究徐樹錚。


徐樹錚字又錚江蘇銅山縣人初畢業於日本士官學校出段祺瑞門下袁世凱當國始授陸軍部次長然與祺瑞同不贊成帝制者也祺瑞再起仍官陸軍部次長而國務院亦任爲秘書長公府秘書長孫洪伊屢以文牘與樹錚競黎黃陂難爲左右祖而段徐之隱禍已寢寢伏於眉睫徐世昌乘機排解孫罷而徐亦不免會張勳復辟祺瑞出而靖難樹錚三就原職又不見容於馮河間開關走奉天嗾張作霖擁兵截械而自稱奉軍副司令游說曹錕張懷芝宣戰復湘後頓兵不進樹錚知此計已敗所借日款強半消磨於餉械於是悔武力之不足恃幡然以文治提倡民國密與王揖唐等組安福俱樂部罄餘款以收買議員而徐東海遂爲新國會選出之大總統時祺瑞已改參戰處爲邊防事務所樹錚遷秩爲西北籌邊使叙外蒙內附功加勳章勳位安福部視樹錚意旨爲進退九年六七月間以吳佩孚撤防故南軍譚延闓攻湘西湖南督軍張敬堯屢敗棄長沙遁安福部袒張詆吳樹錚更陰勸祺瑞以邊防軍禦直東海亦不憚樹錚令解籌邊使職驅其所隸者入陸軍部樹錚益憤遂

下○動○員○令○備○戰○稱○曰○定○國○軍○每○遇○必○敗○每○進○必○退○祺○瑞○知○爲○樹○錚○所○愚○上○書○再○請○辭○
職○而○曹○錕○張○作○霖○吳○佩○孚○等○議○懲○安○福○罪○魁○咸○以○徐○樹○錚○爲○首○屈○一○指○云○

安福部

中編

鼎盛時之安福部



二十四

安福部

下編 失敗時之安福部

(一) 安福部之開釁

張敬堯失守湖南。安福部員尙攻許吳佩孚不已。而張作霖入關調處。又不能得其要領。徒奔走於徐段之間。而靳閣不復。周閣不組。祇此三數。安福總次長把持政柄而已。東海亦深惡安福。故不謀國會。突下免罷徐樹錚之令。樹錚遭此奇挫。不能不密商祺瑞。與曹吳勢不兩立。其實吳佩孚雖在曹錕麾下。並不願開罪祺瑞也。祺瑞聽徐樹錚諸人之嗾。迫東海下令褫曹吳職。明電宣布。畿輔譁然。吳佩孚致當軸條陳。中但謂三年來安福賊黨之禍國殃民。實屬罪大惡極。種種罪狀。罄竹難書。如借外力以壓迫國民。賣國產以圖飽私囊。任用私人把持要津。圖逞黨勢。假名練軍。此畧舉其罪之大者。全國人民恨之刺骨。此種元惡大憝。如無一日逮捕。依法懲辦。何以正國法而警將

來等語則佩孚所望者惟以痛治安福爲宗旨而於官勳並未斷樹錚料吳言若是安福必受影響遂集合安福健將思與曹吳一決而猶恐祺瑞不允誘脅挑撥至祺瑞亦雄心勃勃不可遏止東海微聞警信欲以和平解決安福部員堅持三約以難東海曰改組內閣曰令曹吳卸兵權曰徐樹錚督直東海正在猶豫而定國軍之標幟已飄揚於邊防軍部下且宣言開戰以後七日內佔保德十日俘曹吳其時曾毓雋提四路存欸充定國軍費丁士源以京奉局長任餉一百萬解京充定國軍用而所謂野戰砲及槍彈等之輸運南苑飛機師之助皆曾毓雋商訂於某國者所謂一百萬元之抵押源源接濟之允許又曾毓雋密約於某國者徐樹錚等恃欸恃械蔑視曹吳佩孚不足一戰段祺瑞乃自稱定國軍總司令第一路派劉詢第二路派曲同豐第三路派陳文運第四路派魏宗瀚第五路派徐樹錚第六路派李進才第七路派吳光新第八路派馬良第九路派鄭士琦第十路派吳長植騎兵司令派苑尙品興師討逆呈報東海段芝貴謁某使時聲明戰事一百點鐘內可了並擔任京師治安其氣雉雉其光熊熊固

將拭目而覩其成也。

曹錕吳佩孚等奉到褫奪之令於胸中不無芥蒂然稱兵犯諸舉動決不忍而出此及聞段祺瑞分隊出發勢不能不爲正當之防衛於是曹錕張作霖王占元李純陳光遠趙倜鮑貴卿孫烈臣蔡成勳王廷楨馬福祥等聯名通電全國以覘人心之向背一面由吳佩孚充討賊軍前敵總司令激昂慷慨揭橐大義茲錄電文如下。

聯軍通電

萬急(銜畧)時勢多艱憂患交迫厲階爲梗和議迄難於進行政潮迭生邦基益形其杌隉試一窺其瘡結所在實由於徐樹錚等諸宵小憑借段氏沆瀣安福以致政事失其常軌根本時見動搖同人等惓懷大局思盡其一得之愚冀邀當局之覺悟詎意朋奸構煽苦衷竟抑而莫伸馴至變故紛乘益趨激烈挑撥戰禍稱兵近畿監視元首矯發命令乃復一意孤行進攻益烈飛機肆擾於城市地雷隱伏於村墟商民驚恐載道流離錕等目覩神傷迫不得已爰舉義師純以救國爲前提不涉黨派

之私見祇期戡定禍亂促進和平復元首之自由奠國基於鞏固凡此不得已之苦衷當爲國人所共諒諸公或同袍澤或屬舊交夙欽愛國之誠同具匡時之願事關大局尙祈共抒偉略用濟時艱特布悃忱佇候明教

吳佩孚率全體直軍通電

(銜略)自古中國嚴中外之防罪莫大於賣國醜莫重於媚外窮凶極惡漢奸爲極段祺瑞再秉國政認仇作父始則盜賣國權大借日款以殘同胞繼則假託參戰廣練新軍以資敵國終則導異國之人用異國之錢揮異國之械膏吾民之血絕神黃之裔實敵國之忠臣民國之漢奸也路線者國脉所在而南起贛閩北迄蒙滿要鍵無存者矣軍隊者國本所託而上自軍官下至下士完全易漢幟矣大逆不赦中外所聞斯而可忍人心盡死佩孚等束髮受書嘗聞大義治軍而還以身許國誓不與張邦昌石敬瑭劉豫吳三桂之徒共戴一天賊生則我死我生則賊死甯飲彈而瞑目不爲外奴以後亡往者憂衷百結以段祺瑞爲軍閥老輩固嘗蒞念私交不忍遽

伸大義俱冀稍有悔悛亦復不爲己甚故請懲從犯安福妖孽徐樹錚等以施曲護此佩孚之私意諒亦國人所矜察也乃其日暮途窮匪惟不悔尤復倒行逆施甘心舉民國以送異族躬爲操莽旣一逐黃陂再驅河間今復迫脅元首失其自由僞造亂命暴戾陰狠爲振古所未聞篡上賣國尤中外所罕覩夫共和主權在民總統爲國民之公僕元首祖賊以賣國吾人盡忠報國亦當權衡輕重況在失其自由被脅之亂命佩孚等個人雖本末顛倒不難伏首以就戮爲國家計亦安能荒軍人之天職貽百載之笑罵事變至此惟有忍涕揮戈以與賣國賊盜相周旋但令惴惴血誠爲我四萬萬父老昆弟所共鑒佩孚等雖死之日猶生之年刀鋸斧鉞非所敢恤世或不察目爲皖直之爭愚懷耿耿竊所未平南北本屬一家直皖豈客二致今日之戰爲討賊救國而戰爲中國民族而戰其幸不辱命則佩孚等解甲歸田勉告無罪於同胞其戰而死爲國人爭人格死亦有榮無憾諸公或握軍符或主清議奮發討賊當有同情若其昧中外之防忘國家之義坐令國土陷於異族子孫淪爲奴隸千

秋萬世自有公論非佩孚所敢聞矣。涕泣陳辭伏惟公鑒。

曹吳通令既已宣布遂派定陸軍第三師師長吳佩孚爲西路總指揮。薊榆爲東路總指揮。分軍征勦者有鎮守使兼第四混成旅旅長曹錕。更派第一混成旅旅長王承斌爲後路總指揮。隨營翊衛者有四省經畧使署總參謀潘矩楹。第二混成旅旅長閻相文。第三混成旅旅長蕭耀南。第五混成旅旅長商德全。新編第一旅旅長王用中。第二旅旅長李榮殿。第三旅旅長彭壽莘。冀南鎮守使周符麟。第三師第五旅旅長董鎮國。第六旅旅長張福來。參謀長李濟臣等。由京漢京奉兩路進發。段祺瑞見曹吳軍威大振。已自膽怯。只是勢成騎虎。萬難收回。成命徐樹錚等料定邊防軍未盡精銳。深慮一戰而潰。嚴督劉詢曲同豐兩隊連赴前敵。七月十五日。祺瑞又傳檄通電發表曹吳罪狀。然段軍之敗已伏於此矣。欲知當時段吳兵力可以此檄爲證。

段祺瑞傳檄通電

爲檄告事。案查曹錕吳佩孚曹錕等目無政府。兵協元首。圍困京畿。別有陰謀。本上

將軍業於本月八日據實揭劾請令拿辦罪惡確鑿誠屬死有餘辜九日奉大總統令曹錕褫職留任以觀後效吳佩孚褫職奪官交部懲辦令下之後院部又迭電飭其撤兵本政府法外施仁寬予優容該曹錕等應如何洗心悔罪自贖末路不意令電煌煌該曹錕等不惟置若罔聞且更分投派兵北進不遺餘力京漢一路已過涿縣京奉一路已過楊村進窺張莊更於兩路之間作擣虛之計猛越固安乘夜渡河暗襲我軍是其直犯京師震驚畿甸已難姑容而私勾張勳出京重謀復辟悖逆尤不可赦京師爲國家根本之地使館林立外商僑民各國畢屆稍有驚擾動至開罪鄰邦危害國本何可勝言更復分派多兵突入山東境地逕佔黃河岸南之李家廟嚴脩戰備拆橋毀路阻絕交通人心惶惶有岌焉將墜之懼本上將軍束髮從戎與國同其休戚爲國家統兵大員義難坐視今經呈明大總統先儘京畿附近各師旅編爲定國軍由祺瑞躬親統率護衛京師分路進勦以安政府而保邦交鋤奸凶而定國是殲魁釋從罪止曹錕吳佩孚曹銳等三人其餘概不株連其中素爲祺瑞舊

部者當不至爲彼驅役。卽彼部屬但能明順逆。識邪正。自拔來歸。卽行錄用。其擒斬曹錕等。獻之軍前者。立予重賞。各地將帥愛國家。重風義。遣此急難。必有屢及劍及興起不遑者。祺瑞願從其後。檄到如律令。

(二) 安福部之敗績

段曹兩軍對壘之際。祇七月十四十五十六十七十八五天。曹軍東部在永定河西南。西部在易州涑水一帶。中部在高碑店長約二百里。與段軍彼此對峙。相去不過二十里左右。曹軍步步進逼。段軍前路劉曲兩隊先後在高碑店松林店韓莊夏莊涑洲琉璃河等處接戰。曹軍第一次由高碑店佔至涑州。二次至琉璃河。三次至長辛店。段軍爲曹軍死傷俘虜者甚衆。第一隊劉詢因琉璃河劇戰棄兵逃逸。適河水暴漲。梟至對岸始得遇救。此段軍敗績之一證也。第二隊曲同豐在涑州之北劇戰。曲見各團營長紛紛潰散。自請停戰。並繳軍械。此段軍敗績之二證也。司令段芝貴下令作戰。爲十五師全軍所視。仇敗兵奔返。卽向司令部轟擊。芝貴無術勸諭。祇得逃回北京。而十五師

全體降曹。此段軍敗績之三證也。第三隊陳文運。第四隊魏宗瀚。亦於松林店一役。被吳軍兩翼痛擊。至失其戰鬪力。而部下強半亡潰。此段軍敗績之四證也。馬良遠在山東。吳光新遠在湖北。僅可用爲後盾。而曹軍方面各省已聯合討段。除曹錕爲西路總司令。外張作霖爲東路總司令。李純爲南路總司令。王占元爲後路總司令。雲合響應。段軍決不能出戰線一步。說者謂直皖之勝負。全由軍畧之優劣。段軍出隊密接曹軍。利用散抄。段軍乘勝猛進。曹軍便誘令中伏。曹軍非至火線。達到不放砲。段軍未陣先火。致子彈浪費。緩不濟急。斯說也。是則是矣。吾猶謂觀戰者。僅從表面上討論也。段軍完全失敗。無能再戰。要求東海發免戰令。諭知各退駐原防。以維大局。詎兩方勢不相下。各走極端。段軍部曲離心。喪望觀望。曹錕既得各路軍報。遂傳示通國。以明真相。文曰。

寒(十四)電開。據東路曹指揮官鑛電稱。楊村橋迤西敵隊向我分途進攻。我軍用礮火猛擊敵向東面分竄。傷亡甚多。又據西路報告。松林店迤北高碑店西北附近。

步隊多名向我射擊尙未停止彼軍意圖挑畔我軍已嚴密準備進攻

又銑(十六)電開前方報告銑日拂曉我軍開始進攻左翼第六旅進至石窩鎮右翼三旅第六團佔領南仁邨大小呂邨一帶正面第一旅仍守原線第一師之第一旅獨任一路向涿州右側進攻彼軍節節退卻

又巧(十八)電開據吳師長巧電稱連日接戰獲勝情形如下昨晚彼軍邊防第一師之第一旅及第三師之第五旅與我直軍第三第六混成旅第三補充旅分途激戰敵軍大敗我軍遂佔領馬頭鎮(二本日午前第三第六混成旅及第三補充旅已在琉璃河會師斷絕京涿交通(三)奉軍第一師第一旅向涿州猛進佔領之十五師已歸向我軍邊防第一師之第一旅現已被迫繳械

曹吳各師攻克段軍之勝報至此已絡繹不絕段軍明知事不可爲而徐樹錚輩猶以大總統係安福議員所產出決不至與安福爲難安福各首領倔強猶昔囑段勿受調停而京外對曹方面亦謂安福反覆狙詐萬無信其調停之理祺瑞遭此鉅創回思領

銜發電推翻清室誓師入京取消復辟段祺瑞三字幾乎當世不可無一後世不能有二至今身敗名裂如何不恨如何不悔正在無可算計接得最親最信之學生曲同豐一電文曰

北京段督辦鈞鑒。輔密同豐此次奉命出兵本係盡軍人職責。及至交戰以後實查各方情況。乃知我督辦竟爲徐樹錚所利用。徐樹錚自隨從督辦以來十有餘年。平素對於督辦進德脩業之舉實無一事可述。而盜賣國權把持黨派濫用國帑貽誤國計。則無所不爲。前此呂公望在京所呈徐樹錚各項劣跡。手摺句句確鑿。而督辦諭其改悔。迄未聽從。對督辦則任意欺朦。對他人則假用號令。向日此等情形。曾屢進忠告。而督辦卒以同豐之語言笨拙。未肯深信。縱惡養奸。數年於茲。以致國事日非。大局破裂。叢尤聚怨。皆在我督辦一人之身。此外與爲朋比者。如曾毓雋、李思浩、朱深、王揖唐、丁士源等皆屬一邱之貉。直以爲國家大計。爲三五人所私。主外間均云我督辦利用樹錚等而不知我督辦實爲徐樹錚等所利用。今大奸所指全國一

致同受恩最深不敢不進最後之忠言即將徐樹錚等六人速請大總統令交法庭依律研訊以治其殃民禍國之罪各省意見均以除去徐等六人即爲保全督辦名譽奉直各軍立回原防並請督辦察明此意此舉只爲剷除國蠹對我督辦仍爲竭誠之推戴並無他意除一二日內赴京面陳一切謹先電稟

曲同豐此電可謂忠告而善道矣設祺瑞幡然悔悟請於東海將徐樹錚等六人褫奪懲辦一釜中魚几上肉耳雖揖唐在滬或有反側而蛟龍失水一兒童足以狎侮之奈祺瑞以同豐悖己黨曹殊不滿意同時同豐又有自首一電向曹錕繳械請罪並請邊防軍齊寶善等共起討賊祺瑞料定此後必無良好結果致用手鎗自裁而一般安福部員希圖暫救目前將祺瑞忿怒情形密陳東海東海雖與祺瑞臭味不甚相投究竟同是袁系舊僚不能不保全面子便又於十九日下一命令說前以各路軍隊因誤會致有移調情事當經明令一律退駐原防共維大局及據近日報告戰事迄未中止羣情惶懼百業蕭條嗟我黎民何以堪此況時方盛暑各將士躬冒鋒鏑尤屬可憫應責

成各路將領迅飭前方各守防線停止進攻聽候命令解決用副本大總統再三調和之至意云云兩軍至此纔算小作結束曹張乘此間暇乃將經過戰狀通電如下

曹錕張作霖通電

特急(銜畧)羣陰搆難禍國殃民久爲輿論所集矢國人所痛心祇以內訌頻年元氣凋敝但能隱忍以求全誰甘無謂之紛爭詎彼包藏禍心有觸卽發以致稱兵近畿橫挑戰釁更不惜用飛機炸彈施種種毒辣之手段殘民以逞警耗傳來連日分東西兩路進攻津保畿輔竟淪爲戰場閭閻頻驚夫風鶴錕等興亡有責難遏同仇敵愾之心民命所關忍觀瑣尾流離之慘用是灑淚誓師極力抵禦所幸曲直所在勝負自彰西路直奉軍與邊防軍第一師全部第三師之第五混成旅及陸軍第十五師全部陸軍第九師兩營陸軍第十三師輜重一營在涿州固安涑水一帶於十四日午後開始戰鬪直至十八日午前止激戰四晝夜邊防第一師完全潰散師旅團長等歸向來保陸軍十五師已完全與直奉軍相合該師張齊兩旅長並已通電

宣言不受私命邊防第三師第五旅棄砲潰走十三師之一營亦完全來歸現在直奉各軍已至瑠璃河房山馬頭鎮一帶布置妥協前線已設在章店附近彼軍挫衄之餘已無鬪志以內部分携驗輿情之去就益見人心天意悉響安寧強力壓迫難服衆望錕等既不願無端啟釁稍負和平之分裂抑何忍禍結兵連致使範圍之擴大大國步阽危保民爲急彼不進攻我不前進遠道傳聞或恐失實謹布悃忱惟希亮察。

直奉首領既恪守東海命令不再向段軍逼薄向段部潰軍之騷擾淫掠實爲一大浩劫京城之閉門防止此亦一因建議解散者定官長給洋二十元兵士給洋十元然一時仍難盡靖而保定已提出七種條件（一）對段免職監視（二）對安福解散本支各部黨員繳證書黨魁奪公權（四）對法律國民大會公決（五）對倡亂罪魁通緝懲處（六）對籌邊使完全取消（七）對西北軍完全遣散孰知根本未解枝節又生而奉天湖北江蘇三省復發現安福部搗亂之政策哉。

(三) 安福部之陰謀

安福部組織定國軍之始意將剿曹滅吳徐樹錚寢寢有督直希望迨至潰者降者觀望者紛紛皆是幾至不可收拾而曹吳懲辦安福必取嚴屬手段功名家產將歸烏有於是以前不得志於京畿者思得志於各省以前不得志於兵士者思得志於土匪策雖下計亦狡矣奉天之姚步瀛不幸而爲奉軍所獲江蘇之季光恩幸而不爲蘇督所獲然主張至奉招誘匪者曾毓雋之謀而姚震亦曾與議者也王張至揚鎮一帶聯絡幫匪梟匪者王揖唐之謀也姚步瀛季光恩不過奉令承教以冀見好於曾王然姚步瀛已褫去交通部參事定罪鎗斃季光恩撒去長蘆統領在逃未獲吾初不料堂堂總長赫赫總代表竟甘與匪類爲伍必係旁觀嫉視安福爲此已甚之詞冀實其罪但一觀東三省巡閱使之霰(十七)電江蘇督軍之譯文知拿獲緝捕均非子虛安福之肉不足食矣讀此電文者當必鬚髯戟張一句一擦掌一字一切齒矣

東三省巡閱使霰電

(銜畧)奉省偵獲由北京派來姚步瀛等十三名親筆供認受曾雲霈(毓雋字)等指派並有定國軍第三軍委任給予大洋十二萬元來東省招募匪徒在山裏或中東路線一帶擾亂東省使奉軍內顧不暇牽制奉省兵力且據曾雲霈云欸項如果不足卽由哈爾濱綏北木殖公司取用不拘多少該公司係曾雲霈所開並說此事詳情已與徐又錚議妥商承段督辦意旨決定照此辦理等語姚步瀛並自認爲督辦謀主一切計畫均經詳細供明姚步瀛係大理院長姚震之姪姚震並曾經參與會議此案獲犯以後卽經急電段督辦詳詢據覆並無此事督辦素來光明具有世界眼光諒不錯亂至此惟眞贓實犯供證詳明設非奸人指使從何得此重金大理院長爲法律最高機關乃竟預此奸謀國之前途何堪設想作霖此次入都對於奸人圖直圖皖圖蘇贛豫鄂種種計畫均已詳晰無遺三至團河垂涕而道卽出都以後曾發庚電對於督辦痛陳利害登諸報端爲天下所共見自問冒暑奔馳往來調解無負國人卽奸黨意旨未洽尋仇啟釁亦祇及作霖一人與東省地方人民何仇

何怨必欲使其同歸塗炭（下略）

江蘇督軍譯文。

據確實探報王揖唐與青紅匪帮已有密切關係匪首黃德林嚴小麻子現爲王揖唐之密友王派之赴揚鎮一帶起事又報匪首現寓上海民厚里王揖唐囑季光恩組織暗殺隊在南京督署附近拋擲炸彈又報王派匪人赴句容天皇鎮岳王村與匪首任某接洽已與無錫宜興匪徒聯絡擬乘機作亂又報組織三師兵以抗蘇皖軍隊已委季光恩爲皖省總司令袁志卿爲清江浦揚州六長六合等處司令王擬招募土匪與地方官爲難在蘇浙公然造反以上報告皆來自可恃方面是王揖唐叛亂已達極點蘇民無辜何能任其搗亂亟宜分佈真相俾衆周知南京督署接有報告王揖唐季光恩等已派人分赴淮安揚州鎮江南京等處攜款一萬五千元招致土匪起事督署已分飭嚴拿現又得報告王季復派嚴小麻子黃德林白子章汪定韓恢等分赴各處勾結土匪作亂除已諭令拿辦外合行通告凡緝捕此種亂徒

者無論死活定予以逾格之獎賞爾軍士當知除暴安良爲其爲國之天職尙望格外認真云

奉蘇陰謀揭破以後姚步瀛十三人中有朱維藩陳鼎周英劉仲藩林丙生趙德李樹明馬金聲陶啟明鄭甲山高鳳鳴李波長等人贓並獲案無遁飾而其告密作霖者乃陳紹唐也事發後陳亦被捕恐不免於一死而王揖唐接得緝捕公文後猶復徧登各報廣告曉曉置辯其上東海一電致李督一書雖自謂表明心迹蓋因季光恩已挾黨遠遁故敢爲是大言耳至於王揖唐在哈同花園兩遭炸彈不惜羅織爲李純所指使果也中央否信揖唐仍交李純查辦揖唐已矣安福兩面失敗尙恃有湖北吳光新一路然鄂督王占元自安福軍興數日間固無日不防範光新也光新爲擴張皖力起見欲調四營來鄂占元力加勸阻嗣又欲調兩旅占元親過漢口告光新不宜侵入武漢地盤之理由光新亦似肯從命詎知逆謀叵測已密電宜沙上游兩旅刻日來漢幸占元覺察獨早乘光新來署接談之際卽行扣留而以鎮守使馳赴漢口吳氏衛隊營王

營長私宅商令繳械無如王不服命至相衝突雖市面驚擾人民恐慌而張敬堯亦因此他颺鄂省從此無事矣所駐孝感兩旅本係占元舊部旅長劉躍龍趙滙福決不肯助紂爲雪而安福陰謀之所發至此始完全傾覆讀曹錕致其弟曹銳一電尤覺蛛絲馬迹占元非冤誣光新矣

曹錕致弟省長曹銳電

前豫軍統領田作霖此次向段氏請纓密赴漢口與吳光新接洽組織定國軍第七路游擊隊以田爲梯隊長意圖鼓動河南舊部與沙宜吳軍聯絡一氣由襄樊進窺襲我後路日前北上圖謀被我軍在確山拿獲押解來保搜獲證據兩件並訊供前情不諱查田某治軍豫省劣迹多端種種不法豫省均有案證段氏窮兵黷武不惜利用奸宄殘民以逞苟非天奪其魄著著失敗將使莽莽神州淪於萬劫不復之境彼黨之肉其足食乎希卽登諸報端公告國人

凡此安福陰謀初不料破壞如此之速蓋徐樹錚等計畫伊始猶擬最後一著退保山

東也。樹錚所畏者以吳佩孚爲最。故定國軍前敵。誘諸劉詢曲同豐諸人。但期相持半月。預計馬良之兵可抵馬廠。而樹錚亦可進逼天津。合力攻吳。拒張未必無效。卽不幸果敗。儘可保山東以再圖發展。不意奉謀一洩。作霖立卽入關。繼續曹瑛。樹錚已迅雷不及掩耳。馬良祇於德州一擊未到。桑園而段軍早經覆沒。吳光新拘王揖唐。走項王垓下。尙何面目見江東父老哉。主此陰謀之徐樹錚。曾毓雋。固無所逃罪於天地。而姚震以步瀛嫌疑之故居。然加入十大罪魁。王占元不肯放過。吳光新李純不肯放過。王揖唐此亦並非過舉。若當時稍不立斷。恐長江流域已無一片乾淨土。彼附從安福之兵隊亦且拔幟立幟。日事抨擊。王季至此正不知作何結局也。安福有餉有械。有戰將有謀士。而同歸於盡。雖曰人事。豈非天命。

(四) 安福部之受懲

安福既無中興之餘望。而曹張吳一方面急急以懲辦罪魁爲第一義。所索安福要人。始僅徐樹錚。丁士源。曾毓雋。朱深。李思浩。及拿辦段芝貴。吳炳湘。傅良佐。而安置段祺

瑞於湯山王揖唐以下之安福部員。不過收回徽章褫奪公權而已。嗣保定又有禍首六名罪魁八名之請。禍首爲徐曾丁段及姚震吳炳湘東海。因姚吳關係奉省一案不能併辦。遂以姚吳易朱李湊足六人。而曹張仍不贊同。於是再於罪魁八人中抽去傅良佐王印川曹汝霖陸宗輿臧蔭松而增以王郅隆梁鴻志。最後始有姚國楨然吳炳湘得邀寬典不得謂非僥倖也。段祺瑞失敗以後。早有辭職撤勳之表示。磊磊落落毫不諱飾。仍不失爲誠樸憨直一流。惟其受徐曾輩之欺。至七見圖窮始能稍稍覺悟。亦可憐矣。况祺瑞自辛亥勸清廷退位。至今一拒袁世凱帝制。再倒張勳復辟。保障共和之力。民國諸偉人亦宜曲諒而東海以保定條件關係將免。段撤軍等命令同於七月二十八日。並下段祺瑞二十年之軍閥。至此遂剷除殆盡。

七月二十八日。卽陰歷六月十三日。

大總統令 督辦邊防事務兼管理將軍府事務段祺瑞迭呈辭職。段祺瑞准免本兼各職。此令。

又令 前以沿邊一帶地方不靖。當經令設督辦邊防事務處。以資控馭。現在屯駐邊外軍隊。業已陸續撤退。該處事務較簡。所有督辦邊防事務處。應即裁撤。其所轄之邊防軍。著陸軍部即日接收。分別遣散。以一軍制而節冗費。此令。

又令前有令將西北邊防總司令一缺裁撤。其所轄之軍隊。由陸軍部接收辦理。所有西北軍名義。應即撤銷。著責成該部迅速收束。妥爲遣散。仍將辦理情形。尅日呈復。此令。

又令 西北籌邊使官制。前經國會議決公布。惟現在蒙邊情形。較有不同。原定官制。不盡適用。應由國務院飭法制局。另行詳審改訂。呈請依法頒行。此令。

免段撤軍之命令。既經宣布。罪魁十人。彼此亦漸同意。然復有第二批名單。提出內載吳鼎昌翁之麟光雲錦權量胡筠饒孟任方樞張弧等。東海正在設法對付。而各省紛紛電請懲辦者。牽連紛擾。殊少標準。東海爲殲渠解從之計。作寧人息事之圖。於二十九日。先將十大罪魁。明發命令。通告全國。以爲安福部員之棒喝。

七月二十九日。即陰歷六月十四日。

大總統令 國家大法。所以範圍庶類。緬規干紀。邦有常刑。此次徐樹錚等稱兵。繼輔貽害閭閻。推原禍始。特因所屬西北邊防軍隊。有令交陸軍部接收辦理。始而蓄意把持。抗不交出。繼乃煽動軍隊。遽啟兵端。甚至迫脅建威上將軍段祺瑞。別立定國軍名義。擅調隊伍。佔用軍需軍械。逾越法軌。恣逞私圖。曾毓雋段芝貴等。互結黨援。同惡相濟。或參預密謀。躬親兵事。或多方勾結。圖擾公安。並有濫用職權。侵及國帑情事。自非從嚴懲辦。何以伸國法而昭炯戒。徐樹錚曾毓雋段芝貴丁士源朱深王鄧隆梁鴻志姚震李思浩姚國楨等。著分別褫奪官職。勳位勳章。由步軍統領京師警察廳。一體嚴緝務獲。依法訊辦。其財政交通等部。欸項。應責成各該部。切實澈查。呈候核奪。國家雖政存寬大。而似此情罪顯著。法律具在。斷不能爲之曲宥也。此令。同時又有免吳光新湘督職。一令褫吳炳湘官勳。一令懲辦大旨。似覺楚楚。惟十大罪魁。神通廣大。早經得了消息。將家眷細軟。窩藏他處。自己亦乘長風。破萬里浪。逃到外。

國。去。了。此。係。洪。憲。罪。魁。復。辟。罪。魁。之。通。例。並。不。是。安。福。罪。魁。所。創。始。但。既。然。有。元。首。緝。捕。命。令。步。軍。統。領。及。警。察。機。關。自。然。有。搜。查。之。責。任。據。報。載。各。住。宅。搜。查。結。果。動。產。不。動。產。實。數。徐。樹。錚。動。產。有。一。百。餘。萬。不。動。產。有。三。十。餘。萬。曾。毓。雋。動。產。有。三。百。餘。萬。不。動。產。有。三。十。萬。丁。士。源。動。產。有。一。百。五。十。餘。萬。不。動。產。有。八。十。餘。萬。朱。深。動。產。有。五。百。餘。萬。李。思。浩。動。產。有。八。百。餘。萬。不。動。產。有。二。百。餘。萬。吳。炳。湘。動。產。有。二。百。餘。萬。不。動。產。有。四。百。餘。萬。是。比。到。明。朝。之。嚴。嵩。清。朝。之。和。坤。還。覺。超。過。幾。倍。人。言。藉。藉。未。必。無。因。若。謂。數。目。相。符。未。免。以。告。者。過。況。十。大。罪。魁。中。或。起。家。軍。旅。或。服。官。部。曹。除。段。芝。貴。一。人。外。在。清。朝。並。無。顯。宦。現。以。黨。附。安。福。故。居。然。擁。此。鉅。款。志。得。意。滿。卒。至。陷。入。網。羅。是。亦。利。令。智。昏。之。所。累。也。二。次。罪。魁。王。揖。唐。吳。光。新。曹。汝。霖。陸。宗。輿。均。不。能。免。而。安。福。四。大。金。剛。如。克。希。克。圖。光。雲。錦。烏。澤。聲。鄭。萬。瞻。之。流。亦。且。罪。有。應。得。惟。來。自。田。間。之。議。員。加。以。安。福。二。字。之。徽。號。未。免。嫌。其。不。稱。耳。讀。者。欲。知。十。大。罪。魁。之。罪。狀。曷。一。考。十。大。罪。魁。之。歷。史。（徐樹錚見前）

曾毓雋。字雲沛。福建閩侯縣人。安福健將也。充部中交際課。常任幹事。曹汝霖罷。交通總長職部。議以毓雋繼。蓋部費均取給於交通。而財政次之。田文烈核算。毓雋虧負至二千三百餘萬。部費實居泰半。定國軍起。首提四路餘款。補助軍餉。復聯某國。購置軍械。奉天招兵之計。亦曾謀主所辦。煤礦森林公司。甚夥。自畢業生至總長。先後僅十年餘。

朱深。雖附安福。而補助部費。不如毓雋遠甚。蓋司法總長。爲清苦衙門。地位使然也。字博源。京兆永清人。亦畢業生。長司法。頗久。曾創議增收訟費。呈費藉備挹注。靳雲鵬倒閣時。安福三總長不肯出席。深實首爲之倡。安福失敗。深惴惴自首。冀求減等。恐未必能如所望。

丁士源。一下駟耳。兼轄京漢京綏兩路局長。每年輦運安福者。不知凡幾。而安福小部員之託庇。字下者。均依丁爲卵翼。丁字問槎。浙江吳興縣人。曾畢業武備學校。武漢之役。已補軍官。而漢陽一炬。實丁主之。後夤緣梁士詒。得再入京。與徐樹錚尤密。

切。曾。毓。雋。長。交。通。至。合。京。漢。京。綏。爲。一。差。界。之。於。丁。厚。矣。丁。嗜。利。多。括。公。帑。儲。外。國。銀。行。論。者。以。丁。於。十。人。中。爲。最。富。

李。思。浩。與。徐。樹。錚。爲。親。家。故。樹。錚。極。優。待。之。實。則。李。不。特。無。財。政。總。長。資。格。卽。次。長。亦。躡。張。吳。諸。參。事。而。上。也。字。鄧。侯。浙。江。慈。谿。縣。人。光。緒。癸。卯。舉。人。納。貲。爲。部。曹。碌。碌。無。所。表。見。及。與。徐。遇。始。次。第。充。幣。制。局。總。裁。鹽。務。署。署。長。靳。雲。鵬。組。閣。竟。長。財。政。忠。於。安。福。籌。部。費。不。遺。餘。力。失。敗。之。際。尙。預。印。空。白。多。種。及。將。某。銀。行。借。款。合。同。倒。填。年。月。蓋。印。可。謂。狡。矣。兼。邊。業。行。長。尤。不。實。不。盡。滬。上。虞。洽。卿。欲。聯。絡。同。鄉。保。免。李。賣。國。罪。此。殆。洽。卿。之。見。歟。

段。芝。貴。係。購。女。伶。楊。翠。喜。送。載。振。者。前。僅。覬。覦。一。黑。龍。江。巡。撫。今。則。上。將。軍。矣。並。爲。京。畿。衛。戍。總。司。令。曾。充。奉。天。將。軍。陸。軍。總。長。袁。世。凱。倚。爲。心。腹。袁。歿。乃。自。附。於。段。復。辟。之。役。從。段。晉。勳。位。輾。轉。隸。入。安。福。段。祺。瑞。弄。兵。定。國。又。承。命。以。司。令。出。發。兵。潰。遁。歸。京。師。大。震。遂。命。王。懷。慶。兼。代。其。職。芝。貴。字。香。巖。安。徽。合。肥。縣。人。武。備。學。堂。畢。業。生。

姚震以其姪步瀛嫌疑張作霖謂亦與招兵之議然不能爲震辯也震字次之安徽貴池縣人久歷法界現任大理院院長惟隸籍安福且爲院外部員長與朱深多所結納罪魁案定以董康代姚說者爲王郅隆販米一案曾毓雋與姚俱在其列紂之不善不如是甚其能無疑

姚國楨不特黨安福且黨曾毓雋交通之補助部費姚亦有力焉曾雖善搜括皆取其犖犖大者姚則務從察察凡輪路郵電隸其部下者必取盈而後已字幼枝安徽貴池縣人爲交通部次長與參事姚步瀛爲昆季行步瀛之行國楨亦曾與聞安福信警毓雋委部事而去國楨盡括餘欸五十萬故田文烈澈查時幾至不名一錢徒拘留一司長黃贊熙冤哉

梁鴻志以京畿衛戍總司令部秘書長兼參議院秘書長段芝貴倚之如左右手李盛鐸議決各事亦強半成之於梁在安福部下不讓曾毓雋王揖唐也字衆異福建長樂縣人初居京師時卽能附權要以文字爲識者所賞漸遷今秩惟善謀多詐揖

唐○出○都○後○梁○實○陰○主○全○部○免○王○而○罪○梁○殆○以○此○歟○

王○郅○隆○本○倪○嗣○冲○舊○僚○自○被○選○爲○議○員○後○尙○借○嗣○冲○糧○臺○名○義○販○米○出○洋○其○罪○固○不○至○隸○安○福○也○與○李○思○浩○同○辦○邊○業○銀○行○能○仰○承○徐○樹○錚○意○旨○務○事○吸○取○故○行○務○已○不○可○收○拾○而○郅○隆○從○此○富○矣○榮○慶○米○莊○存○棧○之○米○郅○隆○本○圖○轉○運○接○濟○邊○軍○事○爲○天○津○租○界○公○益○社○所○聞○呈○諸○曹○銳○而○郅○隆○已○無○法○補○救○家○懸○日○旗○眷○徙○大○連○郅○隆○亦○鴻○飛○冥○冥○矣○字○祝○三○直○隸○人○因○米○案○關○係○故○取○其○人○以○殿○罪○魁○

(五)安福部之索魁

十○大○罪○魁○被○捕○之○令○下○遍○城○搜○索○迄○無○蹤○跡○於○是○謠○詠○鱣○起○有○謂○曾○毓○雋○匿○居○尹○姓○家○中○後○復○赴○北○京○飯○店○者○有○謂○徐○樹○錚○已○改○裝○出○京○逃○至○庫○倫○者○有○謂○丁○士○源○由○西○直○門○車站○北○行○被○阻○改○坐○騾○車○前○往○蔚○縣○者○有○謂○段○芝○貴○先○入○德○國○醫○院○繼○被○荷○蘭○使○館○遣○出○者○波○譎○雲○詭○未○可○據○爲○確○實○消○息○總○之○十○大○罪○魁○既○概○懸○攝○影○嚴○密○偵○緝○而○不○能○獲○其○一○二○亦○足○見○彼○輩○之○神○通○矣○况○此○次○外○交○團○會○議○於○各○罪○魁○不○欲○照○國○事○犯○例○保○護○

英。美。法。三。公。使。均。表。同。意。雖。日。本。未。能。通。過。度。不。至。容。留。罪。大。惡。極。之。安。福。部。員。有。妨。國。際。三。公。使。聯。合。通。飭。使。館。人。員。旅。京。僑。民。不。准。匿。藏。中。國。男。子。則。十。大。罪。魁。亦。無。從。再。覓。遁。逃。數。而。紛。紛。者。始。有。查。抄。之。舉。

邊。防。軍。司。令。部。既。抄。出。公。文。多。件。而。安。福。部。主。要。領。袖。數。人。之。住。宅。於。七。月。二。十。五。日。亦。被。搜。查。一。過。以。總。布。胡。同。吳。炳。湘。宅。拴。馬。樁。梁。鴻。志。宅。被。抄。最。早。至。羊。肉。胡。同。丁。士。源。宅。祇。搜。出。飛。機。炸。彈。數。十。板。於。是。南。池。子。曾。毓。萬。宅。北。池。子。徐。樹。錚。宅。大。方。家。胡。同。段。芝。貴。宅。甜。水。井。李。思。浩。宅。絨。線。胡。同。王。郅。隆。宅。非。見。其。妻。妾。卽。見。其。僕。役。若。問。以。罪。魁。之。來。蹤。去。迹。均。以。未。曾。與。聞。相。對。衛。戍。部。不。得。不。將。罪。魁。家。宅。嚴。行。守。衛。步。軍。統。領。挈。同。辦。理。亦。無。非。禁。絕。交。通。爲。止。所。謂。沒。收。安。福。部。員。財。產。充。公。者。仍。無。一。定。之。標。準。而。報。稱。李。思。浩。願。輸。四。十。萬。求。爲。飯。店。書。記。王。郅。隆。願。輸。二。十。萬。來。爲。飯。店。僕。役。其。說。固。不。近。情。卽。謂。十。大。罪。魁。在。六。國。飯。店。設。筵。飲。酒。召。妓。女。二。十。人。侑。觴。恐。亦。無。此。間。情。別。致。也。言。人。人。殊。爲。之。慚。然。

東海因罪魁之難獲。特分別標定賞格。徐樹錚三萬元。餘則二萬元。一萬元。不等。總計需洋十七萬元。並將十大罪魁影片懸於熱鬧場所。如城門車站之類。編行懸貼。初以丁士源王到隆之相片未獲。僅挂八人。而譁然。丁王已獲矣。又以段芝貴上將軍裝束相片抽出。另換一便衣者。而譁然。段芝貴已獲矣。保定力催嚴緝。務欲按律懲辦。東海亦曾召大理院院長董康研究十人罪名。擬由高檢廳起訴。鞠定內亂。後再正式向某使引渡。而堅持軍法會審者。於東海辦法似將有所更變。惟引渡一說。不無疑義。因讀泰晤士報社論而知外人亦以十大罪魁爲不可恕也。

泰晤士報譯論

此次安福黨之罪犯。純屬非政治性質。該黨人之行爲。實神人之所共憤。天地之所不容。諸如以鐵路林礦抵借外債。無非喪失主權。只圖一己之利祿。不願國計民生。若照國民刑各法律而言。民國政府應有要求各公使將各該犯等引渡。按照中國法律懲辦之權。故此時華人可與公使團妥商。將此項問題及其權限畫分清。

楚使署界內不得爲犯罪之逋逃。否則將來蔑視政府者成則如志。敗則匿居視法律如廢紙。難儆效尤矣。安福實有禍國殃民種種不法行爲。余願中政府聲明其爲刑事犯。以正式國際之文件。向外交團要求引渡。公開法庭治以應得之罪。勿使若輩託外人庇護。冀逃法網。再有聯絡同黨秘密詭謀報復之舉。自辛亥以來。罪犯避居租界之風日盛。一日而爲中國近來內亂之大原因。無論何國。如有要犯。便可藏匿租界。不能了案。則國法不彰。雖欲振作。亦不可得。此事極應由各國通盤籌畫。總之各國租界。乃爲其居住各國僑民經營商業而設。並非中國貪官污吏藏身之所。而爲中國政治腐敗之醞釀處也。

此論光明正大。足見安福之罪。中外視爲一致。江蘇十四公團。又電致日本首相。駐京領袖公使。以內亂罪魁徐樹錚等十人均係侵吞國帑。畏罪搆亂。以致弄兵畿輔。荼毒生靈。國民公意絕對不能承認爲政治犯等語。故使館東交民巷一帶。決不願窩留。若輩而警察總監殷鴻壽。又於東海賞格外。另加二成。並召集各署長面諭。有如在境內。

脫逃即以鬼頭刀從事之論調以故一般安福餘孽咸恐加入第二批罪魁案內異常震恐而尤以糧食調查會主動人曾彝進國務院秘書長幫辦張伯英邊業銀行行長胡筠等爲最已四處託人運動消弭而罪迹昭著之議員如汪立元臧蔭松光雲錦康士鐸烏澤聲田應璜鄭萬瞻克希克圖湯用彬解樹強李盛鐸黃雲鵬張宣倪道煊張敬舜李俊余國楨諸人亦或難免惟東海以概不株連爲本意諒不至再興大獄矣尤可駭者安福之罪魁未獲黨禍未除衆議院副議長奉天劉恩格本係安福部員又與山東議員周福岐等爲預備對付將來之國民大會暨將來之議會起見發起羅致奉吉江直魯及北方各省議員組織政治團體曰庚社而已未俱樂部又擬擴張範圍收容安福小分子以樹政黨基礎並戴財政部兼署次長兼署鹽務署署長稽核所總辦安福部員張弧爲首嗚呼去一安福未來之安福正多竊恐罪魁竊笑其旁而今之惡安福哀安福者自蹈安福之覆轍而不覺耳

(六) 安福部之解散

十大罪魁之緝捕在東海已算是結束。安福不料安福部員之簽名冊一向存在曾毓雋家中。此次查抄曾宅已經一律搜去。從前還是揣測猜度。祇曉得幾箇黨首自得著冊子以後。真是禹鼎鑄姦。溫犀燭怪。居然澈底明白。保定方面有幾箇饒恕不得者。要求東海再行下令懲辦。論到安福主任王揖唐已經撤銷。北方議和總代表交由江蘇督軍李純接替。因爲著季光恩嫌疑關係。褫勳褫職。當然有明令發表。還有分代表方樞。議員康士鐸。鄭萬瞻。臧蔭松。張宣六人。也是黨附安福。甘効奔走。所以亦在緝拏之列。東海料定安福人員一日不散。安福名義畢竟一日不銷。宋朝之熙豐小人明朝之客魏奸黨。尙且許其末路自贖。果能罪魁獲訊。何必爲此已甚。便擬出一道罪己令頒布通國。並將解散安福部通令同時並下文曰。

政○黨○爲○共○和○國○家○通○例○約○法○許○結○會○集○社○自○由○安○福○俱○樂○部○具○有○政○黨○性○質○自○爲○法○律○所○不○禁○近○年○以○來○迭○據○各○省○地○方○團○體○函○電○紛○陳○歷○舉○該○部○營○私○誤○國○請○予○解○散○政○府○以○爲○黨○見○各○有○不○同○攻○擊○在○所○不○免○自○可○無○庸○深○究○乃○此○次○徐○樹○錚○曾○毓○雋○等

稱兵構亂所有參預密謀籌濟餉項皆爲該部主要黨員觀其輕弄國兵喋血畿甸肆行無忌但徇一黨之私雖荼毒生靈貽禍國家亦若有所不恤該部實爲構亂機關已屬踰越範圍斷不容其仍行存在著京師衛戍總司令步軍統領京師警察廳即將該部機關實行解散除已有令拿辦諸人外其餘該部黨員等非確有附亂證據者概予免究其各省區設有該部支部者並著各該省區地方長官轉飭一律解散此令

安福胡同之安福本部固然被衛戍司令等封閉太平湖安福分部所有各種游藝品物一律檢查存記從前之馬龍車水至此已霧散烟銷不特十大罪魁弔膽提心東藏西竄消受烈日炎風之况味便是赫赫督辦上將軍亦不免病體支離將星欲墜回想當日之一呼百諾權傾全國真有九天九淵之別那一般安福小部員雖則仰承顏色執鞭忻慕偷得一垂青眼內部安插個參事僉事外省安插箇廳長局長真不費吹灰之力說到極不中用每月也有些些津貼北京之酒樓茶館賭窩娼寮那一處沒有安

福。部。員。脚。迹。此。番。經。出。大。劫。裁。的。裁。撤。的。裁。革。的。革。調。的。調。舞。臺。上。現。出。嶄。新。人。物。自。然。與。安。福。不。同。况。且。曹。經。略。使。張。巡。閱。使。已。經。見。過。東。海。靳。雲。鵬。再。起。組。閣。之。議。論。轉。瞬。成。爲。事。實。豈。不。是。鞏。固。共。和。之。盛。舉。耶。讀。曹。張。暨。各。督。軍。之。通。電。益。可。告。無。罪。於。天。下。矣。


曹錕等通電

民。國。肇。造。九。載。於。茲。變。亂。相。尋。迄。無。寧。息。自。四。年。帝。制。發。生。而。全。國。鼎。沸。六。年。復。辟。變。起。而。首。都。震。驚。繼。此。以。還。政。潮。日。趨。險。惡。國。事。屢。至。動。搖。兵。革。連。年。民。生。凋。敝。馴。至。紀。綱。廢。墮。道。德。淪。亡。奸。宄。朋。興。正。氣。銷。滅。其。黠。之。尤。者。將。挾。持。武。力。以。攝。伏。國。人。製。造。政。黨。以。潛。移。國。柄。今。茲。安。福。之。禍。國。與。帝。制。復。辟。之。大。攻。變。均。是。爲。共。和。之。障。礙。國。蠹。不。除。國。難。未。已。各。省。疆。吏。既。負。國。家。人。民。之。重。寄。不。忍。坐。視。淪。胥。此。次。爲。國。鋤。奸。始。而。訴。諸。武。力。實。仰。體。我。大。總。統。崇。尚。民。治。之。宣。言。卽。以。順。從。全。國。眞。正。之。民。意。現。在。戰。事。已。告。終。結。善。後。問。題。次。第。解。決。方。期。黜。邪。崇。正。納。斯。民。於。軌。物。之。中。順。

應世界之潮流。永奠國基。於鞏固。詎意羣小技窮。鋌而走險。野心不死。肆其鼓簧。近復造作流言。謂我國現狀。分復辟與共和兩派。復辟派已佔優勢。共和派亦將有所爲。蜚語流傳。令人不寒而慄。爲斯言者。不第毀我名譽。離間我同人。且將亂我國之秩序。勢不至全局。癸亂不止也。此等邪說。顯係禍國諸奸。力竭勢窮。爲最後圖謀。破壞之詭謀。藉免其天下公敵之罪惡也。稍有常識者。類能辨之。惟杯蛇市虎。未免淆惑聽聞。錕等救國之苦衷。業經迭電聲明。當爲國人所共鑒。我國不乏明達。當此時期。對於此種詖詞。一爲涉想。其用意在。必能洞燭。險惡。且關於國體。變更。自非狂愚之人。無不以前車爲殷鑒也。錕等爲國家安全計。爲人民幸福計。始終抱定擁護元首。服從輿論。造成真正共和國家之宗旨。耿耿此心。可質天日。謹抒誠悃。再爲聲明。惟祈鑒察。曹錕張作霖王占元李純陳光遠趙倜鮑貴卿孫烈臣蔡成勳王廷楨馬福祥。

通電聲明之後。西南諸總裁。自然俯從和議。大有南北統一之希望。一面組織。斬閣。彼

此。磋。商。閣。員。只。是。新。國。會。尙。存。不。免。猶。有。安。福。之。氣。味。便。閣。員。裏。面。也。不。得。容。留。安。福。部。員。所。謂。芟。夷。蘊。崇。之。弗。使。能。殖。否。則。野。火。不。盡。春。風。又。生。十。大。罪。魁。以。外。還。有。十。大。罪。魁。循。環。不。已。纔。真。是。共。和。障。礙。至。於。王。式。通。李。盛。鐸。諸。位。老。輩。前。清。獲。科。第。躋。清。華。算。得。受。恩。深。重。現。在。故。君。雖。在。國。制。已。更。如。此。高。年。尙。溷。迹。軟。紅。塵。裏。以。至。被。拘。被。辱。無。門。可。訴。何。不。學。陶。潛。棄。官。彭。澤。王。通。講。學。河。汾。舊。國。新。朝。兩。無。所。悔。何。苦。佞。佞。此。與。若。輩。爲。伍。豈。果。一。日。不。官。終。身。抱。憾。耶。責。備。賢。者。未。敢。曲。恕。若。安。福。部。員。之。營。私。誤。國。爭。權。攘。利。爰。書。旣。定。吾。又。何。罪。焉。



附錄安福俱樂部黨籍

院內部員

(參議院議員) 胡鈞千之(湖北沔陽) 許喆少芸(山西趙城) 吳宗濂挹清(江蘇嘉定) 王世澄我孫(福建閩侯) 鄧鎔守瑕(四川成都) 魏斯吳阜歐(江西金谿) 陳煥章重遠(廣東高要) 張元奇貞午(福建閩侯) 蔡儒楷志賡(江西南昌) 熙彥俊甫(滿州正白) 許世英雋人(安徽秋浦) 李兆珍星冶(福建長樂) 江紹杰漢珊(安徽旌德) 王郅隆祝三(直隸) 林韻宮(廣東番禺) 毓朗餘痴(奉天長白) 溥緒竹生(奉天長白) 以上中央。

曹鈞秉權(天津) 楊以儉臨齋(天津) 陳賡虞鳳韶(安新) 趙元禮幼梅(天津) 曾有嚴指威(瀋陽) 陳瀛洲海峯(鐵嶺) 趙連琪玉雙(西安) 陳克正正中(遼陽) 蘇毓芳秀庭(義縣) 以上直隸。

祝華如笠三(吉林)于貴良樞宸(長嶺)畢維垣輔廷(長春)成多祿湛堪(吉林)
徐肇銓亞衡(長春)以上吉林。

翟文選希仁(林甸)蔡國忱興周(肇州)楊崇山簡齋(海倫)李占英潔岑(呼蘭)
宋連甲貫忱(呼蘭)以上黑龍江。

王錫蕃李樵(黃縣)張玉庚岱青(歷城)尹宏慶瑞亭(高唐)以上山東。

張鳳臺鳴岐(安陽)畢太昌覲文(羅山)李時燦敏修(汲縣)蘇思溫玉如(靈寶)
史寶安吉甫(盧氏)以上河南。

田應璜子琮(渾源)賈耕叔農(沁水)解榮輅芷紉(萬泉)曾紀綱子常(陽曲)以
上山西。

段書雲少滄(蕭縣)楊壽柁味雲(無錫)鄧邦述孝先(江甯)以上江蘇。

倪道杰幼丹(阜陽)蘇文選棣卿(太平)張敬舜華臣(霍邱)姜兆璜襄廷(毫縣)
柳汝士冠民(鳳陽)以上安徽。

李盛鐸木齋(九江)吳鈞伯琴(宜黃)陶家瑤星如(南昌)熊元煌文叔(南昌)以上江西。

陳懋鼎徵字(閩侯)林灝深朗溪(閩侯)施景琛涵字(福建)陳之麟芷汀(海澄)張超南蟹廬(永定)以上福建。

潘補謀先(嘉興)以上浙江。

陳寶書豪生(武昌)錢葆青仲仙(穀城)陳元祥卓齋(武昌)以上湖北。

易順豫由甫(漢壽)陳嘉言梅生(衡生)杜僉雲秋(湘潭)以上湖南。

張孝慈紫樵(安康)武樹善念堂(渭南)郭毓璋蘊生(華縣)宋伯魯芝田(醴泉)何毓璋達甫(石泉)以上陝西。

秦望瀾少觀(會甯)趙守愚智若(徽縣)李增穠華如(狄道)吳本植子幹(固原)段永新定丞(武威)以上甘肅。

一不拉引舜臣(烏什回部)李鍾麟綬青(伊犁)王學曾少魯(山西汶水)馮汝驥

申甫(河南開封)以上新疆。

孟憲彝秉初(京兆永清)劉璵孔嘉(歸溪)鄭仲升次超(多倫)以上京熱綏察。
趙心得一清(四川南溪)以上川邊。

德色賴托布松坪(蒙古)林炳華耿凡(廣西宜山)鄂多台庚元(喀爾喀)李國杰
偉侯(安徽合肥)札噶爾明軒(蒙古)棍布札布繼庭(昭烏達盟)朱仕清子明
(直隸天津)漢羅札布鳳池(喀喇沁中旗)阿拉坦瓦齊爾新甫(科爾沁)唐理淮
伯平(安徽合肥)劉文煜鏡澄(江蘇江寧)色丹巴勒珠爾志庭(昭烏達盟)周秀
文夢蘭(安徽合肥)以上蒙古。

張汝鈞恭衡(安徽祁門)梁鴻志衆異(福建長樂)格勒索巴松亭(前藏)阿旺曲
扎江性(前藏)以上西藏。

汪聲玲筱岩(安徽旌德)劉星楠雲平(山東清平)以上青海。

(衆議院議院)卞蔭昌月庭(天津)王葆鋆伯珩(臨榆)田子鵬(展程)(靜

海)汪鐵松秀山(撫寧)張佐漢筱良(高陽)董景勳慕唐(定興)盧嶽宗五(博野)王文芹采章(清苑)賀培桐湖南(棗強)武繩緒繼勛(永年)吳得祿廉卿(任縣)以上直隸。

邴克莊敬如(盤山)劉恩格鯉門(遼陽)曾憲文述堂(鐵嶺)高清和奉五(錦西)魏福錫霖葛(瀋陽)董寶麟奉軒(新民)孫孝宗咸庭(蓋平)焉泮春旭升(復縣)敦德興政辰(鳳城)翁恩裕問卿(本溪)劉興甲星閣(昌圖)以上奉天。

金明川月岑(吉林)逸長增景新(長春)賈明善自誠(長嶺)劉哲敬輿(吉林)趙驥逢伯(雙城)王汝澂蔭南(五常)孫恩溥瞻原(寧安)以上吉林。

張文翰墨林(慶城)李維周蔭棠(呼蘭)趙鎮東藩(巴彥)王文璞晦暄(望奎)趙仲仁作人(龍江)劉振生慰齋(肇州)文子鐸(克山)以上黑龍江。

勞慶祢福泉(陽信)王廣瑞少農(觀城)艾慶鏞韻笙(長清)王廣瀚海槎(嶧縣)王宗元怡柳(壽元)王之錄圖軒(堂邑)楊守信謹卿(長清)以上山東。

徐卓增立吾(許昌)鄭錫田硯農(鄆陵)張石生秋巖(南陽)郭景岱海峯(項城)
李隨揚協丞(鄭縣)陳鴻疇錫九(長葛)王曾禮漢台(鹿邑)李自辰卓雲(開封)
何霽峯岫齋(滑縣)李綏恩仲安(內黃)原恩瀛筱蓬(溫縣)王印川月波(修武)
王澤紋仲劉(汲縣)張坤子厚(陝縣)郭涵芳五(孟津)林東郊齊原(洛陽)彭運
斌右文(鄧縣)陳善桀壽民(信陽)袁振黃承軒(新蔡)張縉璜蘭臬(汝南)金燾
魯樵(浙川)以上河南。

李元晉體乾(孝義)常贊春子襄(榆次)耿臻顯楊廷(渾源)蘭均伯衡(崞縣)裴
寶棠紹南(長治)劉培潤澤之(汾陽)劉械樸臣(神池)郭德修子成(霍縣)郭象
升可階(晉城)樊振聲次風(陽城)祁景頤敬怡(壽陽)李友蓮益芳(陽曲)邢殿
元善章(定襄)狄麟仁壽丞(大同)楊柏榮競珊(安邑)高時臻福齋(襄陵)李道
在孟存(萬泉)以上山西。

夏仁虎蔚如(江寧)孫錫恩疊波(六合)夏寅官澹岑(東臺)顧詠葵聽秋(興化)

柳肇慶衍齋(丹徒)蔣士杰孟彥(丹徒)金詠榴劍華(青浦)彭清鵬雲伯(吳縣)
解樹強斐青(阜寧)季龍圖景范(鹽城)王立廷鴻弼(碭山)張從仁雲笙(銅山)
以上江蘇。

王揖唐一堂(合肥)吳厚卿(恒寧)光雲錦農聞(桐城)趙熙民新甫(舒城)周行
原項廳(合肥)江忠賡菊圃(婺源)胡延禧慶之(巢縣)丁葆光韜庵(無爲)崔法
星門(太平)陳嘉言嘯青(青陽)華維嶽仲西(潁上)陳光譜耀遠(宣城)蔣尙恒
震之毫縣劉兆麟星若渦陽倪道煌彤輝(阜陽)丁冠軍杰臣(宿縣)黃光昌慕
韓(旌德)吳山岫農(滁縣)以上安徽。

包發鸞竺峰(南豐)熊正琦慕韓(南昌)饒孟任伯輿(南昌)吳道覺先民(玉山)
龍晃羣希(萬載)程臻擷華(南昌)梅士煥孚九(南城)楊蔭喬仰皆(上饒)葉先
圻紫封(萍鄉)黃文溶味淵(新塗)林金相品三(分宜)劉思桂丹叔(新澄)李學
蓮耦耕(吉水)熊坤叔厚(高安)魏會英伯含(贛縣)李家浦少齋(九江)魏調元

文希(九江)蔡公一(九江)以上江西。

邵繼琛蒲生(閩侯)林棟際山(壽寧)林佑蘅藹如(閩侯)鄭元植翊周(南平)鄭
靳章孫(閩侯)劉映奎幼蘇(寧化)李俊雲蘋(長樂)王大貞幹丞(晉江)黃蔭蓬
客(南安)陳亮智君(海澄)邱曾煒炯夫(海澄)陳爲銚寄今(龍溪)以上福建。

汪立元健齋(杭縣)周承炎赤忱(海寧)沈椿年任夫(定海)林同竺僧(瑞安)謝
鍾靈醒今(天台)王行健仲行(溫嶺)童能藩雙峰(寧海)黃秉義質誠(臨海)袁
翼滌菴(嵎縣)以上浙江。

賀勲冕庸僕(鄂城)趙儼威伯歲(安陸)李繼楨希愚(隨縣)李寶楚善仲(應山)
胡柏年經庭(沔陽)余德元明卿(房縣)湯用彬頤公(黃梅)王彭爵三(武昌)甘
鵬雲藥樵(潛江)王運孚鐵公(松滋)鄭萬瞻雲渠(秭歸)何佩瑄璧六(建始)以
上湖北。

李棠生(沅江)羅正緯達存(湘潭)吳德潤曉支(岳陽)易克臬敦伯(長沙)吳劍

豐季甄(湘鄉)張宣楞生(南縣)周渤士貞(長沙)晏才猷屏如(新化)朱後烈心源(湘潭)王毅子剛(長沙)向乃祺北翔(永順)楊岳雁峯(沅陵)吳凌雲閣臣(乾城)陳琢章冰叔(祁陽)廖名縉笏堂(瀘溪)何海鳴一雁(衡陽)符定一字澄(衡山)唐乾一坤成(衡山)以上湖南

岳維持齋(扶風)王珍聘初(雄南)楊逢盛濟川(洵陽)盧植瑞藹堂(安康)李少堂懷之(西鄉)羅仁博錦章(安康)白建勛少餘(廊縣)劉淦介夫(岐山)鍾允諧琴石(南鄭)以上陝西

宋振聲鷺于(狄道)馮翊瀚浩懷(慶陽)彭立栻敬甫(皋蘭)郝天章漢青(武威)敏瀚章倬丞(臨漳)王廷翰藻虞(天水)侯效儒徵若(慶陽)張超功升(靈武)趙國瑞筱峯(武威)以上甘肅

袁進業健菴(迪化)楊增美尊五(雲南蒙自)謝萬魁梅亭(奇台)安大榮富堂(迪化)如拉虞臣(庫車)麻和浦純璧(疏附)黃立中執甫(安嶽祁門)以上新疆

張滙泉恩波(安次)康士鐸甲丞(琢縣)孟錫珏玉雙(宛平)以上京兆。

李東萊小蓬(隆化)張其密退菴(平泉)以上熱河。

卜兆瑞夢庚(薩拉齊)以上歸綏。

張欽敬亭(涼城)高煥章景唐(張北)以上察哈爾。

阿昌阿漢卿(科爾沁左翼後旗)張文獻廷(喀喇沁右旗)李芳馥塘(喀喇沁右旗)吳淵仲遙(四川達縣)陳震仲起(福建閩侯)曾毓煦慕皆(福建閩侯)車林桑都布仲山(喀爾喀)賀得霖德鄰(浙江鎮海)吳文瀚浩如(安徽全椒)布爾格特鶴儕(喀爾喀)姚華重光(貴州貴陽)卓特巴托普世海(喀爾喀正白旗)賀色貴如庠(歸化城土默特)周維藩价人(安徽合肥)吳榮成熙堂(安徽合肥)王樹柟晉卿(直隸新城)王伊文(河南沁陽)永壽介眉(海拉爾城)以上蒙古。

烏澤聲謫生(吉林)克希克圖仲養(蒙古)羅布桑車珠爾華亭(喀喇沁旗)史啟藩介民(安徽合肥)臧蔭松礪秋(江蘇宿遷)巫懷清明遠(西藏拉薩)黃雲鵬美

涵(四川永川)以上西藏。

劉朝望荃莊(安徽合肥)龔慶霖雨蒼(安徽合肥)以上青海。

驍應銘鼎三(四川越雋)徐亞屏(河南孟縣)以上川邊。

院外部員

那彥圖鉅甫 載濤叔源 貢桑諾爾布樂亭 治格鶴清 徐樹錚又錚 龔心

湛仙洲 曹汝霖潤田 吳鼎昌達銓 陳籙任先 吳炳湘鏡澤 曾毓雋雲沛

朱深博淵 陸宗輿閏生 張弧岱杉 李思浩鄧侯 方樞立之 屈映光文

六 姚震次 之江天鐸靜菴 王達志襄 吳調元燮甫 丁士源問槎 恩華

詠春 李垣謙六 羅桑班覺鷺鼎 林蔚章碩田 關冕鈞伯衡 王振堯古愚

高凌爵澤畬 徐鼐霖敬一 齊忠甲迪生 王廷揚孚川 李慶芳楓圃 林

世燾次煌 唐爾鏞慰慈 李槩訪漁 張開屏子藩 周家彥韜甫 梁建章式

堂 嚴天駿仲良 黃序鵬季飛 鄧漢祥鳴皆 蕭承弼右卿 程樹德郁廷

孫熙澤煥廷 陸敬熙慎齋 趙國源左泉 陸紹鄂芷沅 張僧鸞鳳梧 鄭迺

鑑伯衡 李思慎敏齋 曹曾省之 蔡璋子英 熊迪保棠村 王盛春惠如

王忠豫長公 洪鑄德滋 吳肇邦方臣 周泰霖霈三 陶懷霖琅齋 史光書

第孫 魏聯崑震生 黃永熙孝緝 齊爲協民 李壽慈南山 翁燕翼醉亭

馬鳳池芹甫 胡霖政之 張端崇本 寧繼恭允甫 王一德心山 蔣邦彥晉

英 王淮琛厚齋 辛寶慈際雲 袁榮竇道冲 高炳麟文伯 關建藩芸農

邱鳳舞伯飛 王樾蔭之 高杞瀚湘 周明捷叔敏 楊廷樑幼亭 李學鈞鴻

伯 樊德先潛之 閻致恭仲安 張家驢石卿 呂振球鏡歐 竇炎希文

野史氏日余編安福俱樂部黨籍既竣而歎名利二字之足以誤人也院內部員或

躬自提倡或廣爲收買以爲一入國會將以驕鄉里傲妻子威福所擅位尊金多又

烏知此部中皆淵魚叢雀哉至院外部員有王公有宗室有名流有忠裔有清朝顯

宦有畢業學生有自私自利之武人有屢仆屢起之政客異鱸同冶分道齊鑣其營

謀也爲名。其中飽也爲利。一朝樹倒。風過。桐悲。竄者竄。逃者逃。大廈高堂。都供蹂躪。離姬稚子。祇有漣湏。百萬金錢。欲易一容身之所。而不得。彼十大罪魁之影片。煌煌然懸諸國門。死耳死耳。尙有何言。其幸免。羈入其間者。猶且眠食不寧。往來無定。大總統既有罔治脅從之意。當不至竭澤而漁。然黨籍簽名。已於曾家獲得。按圖索驥。實亦無可遮瞞。余有是編。蓋欲喚醒一般夢夢者。無再以來軫蹈覆轍也。若有黨人名姓尙在疑似之間。則寧付闕如。不敢故入人罪。昔袁氏盜國。帝制請願列名者。均曰僞託。曰影射。此編諸部員。均係按照規則。親填黨冊。親受黨證者。鱗次櫛比。暑之於篇。當不責余多事矣。

安福部

附錄安福俱樂部黨籍

十四

中華民國九年八月出版

版權
所有

安福部

(全一册)定價大洋九角正

編輯者 西塘野史

印刷者 日新書局

寄售者 外埠各大書局

發行所 宏聲報社

上海图书馆藏书



A541 212 0214 1844B

312